

新刻臨川王介甫先生文集卷四十二

劄子

相度牧馬所舉薛向劄子

臣等竊觀自古國馬盛衰皆以所任得人失人而已



汧渭之間未嘗無牧而非子獨能蕃息於周河隴之間未嘗無牧而張萬歲獨能蕃息於唐此前世得人之明效也使得人而不久其官久其官而不使得專其事使得專其事而不臨之以賞罰亦不可以成功今臣等相度陝西一路買馬監牧利害大綱已具奏聞伏見權陝西轉運副使薛向精力強果達於政事

三國川文集 卷四十二  
河北便糴陝西權鹽皆有已試之效今來相度陝西馬事尤爲詳悉臣等前奏已乞就委薛向提舉陝西買馬及監牧公事今欲乞降指揮許令久任緣今來馬價多出於解池鹽利三司所支銀紬絹等又許令於陝西轉運司兌換見錢今薛向既掌解鹽又領陝西財賦則通融變轉於事爲便兼臣等訪問得薛向陝西係官空地可以與置監牧處甚多若將來稍成次第卽可以漸興置蓋得西戎之馬牧之於西方不失其土性一利也因未嘗耕墾之地無傷於民二利也因向之材而就令經始三利也又河北有河防塘泊之患而土多烏鹵不毛戎馬所屯地利不足諸監牧多在此路所占草地多是肥饒而馬又不堪未嘗大段孳息若陝西興置監牧漸成次第卽河北諸監有可存者悉以陝西良馬易其惡種有可廢者悉以肥饒之地賦民於地不足而馬所不宜之費以肥饒之地賦民而收其課租以助戎馬之費於地有餘而馬所宜之處以未嘗耕墾之地牧馬而無傷於民此又利之大者也如允臣等所奏卽乞薛向所奏舉官貢及論改舊弊朝廷一切應副成功則無愛賞敗事則無憚罰如此則臣等保任薛向必能上副朝廷改

法之意如將來敗事臣等各甘同臯取 進止

論許舉留守令勅劄子

臣伏奉今月二十九日中書降到 勅語諸州知州知軍知縣縣令內有清白不擾而政迹尤異實惠及民有如係三周年或三十箇月替到任已及成資係二周年替到任已及一年已上其知州軍許本路安撫轉運使副周官提點刑獄知縣縣令卽更與本處知州軍通判竝連署同臯保舉再任仍須於奏狀內將本官到任以來政迹可紀實狀一一條列奏委中書門下更加察訪如不是妄舉卽進呈取旨當議量所述政迹及合入資序推恩許令再任令臣換勅劄者臣竊以謂朝廷欲使守令之宜民者久於其官誠亦方今政務之先急然 勅意有於方今事變尚未合者今審官除知州軍皆待一年八月闕知縣縣令亦大抵待闕一年以上今若使係三年及三十月替者須候成資方得舉留再任比及朝廷報許卽其人係三十月替者已及替期係三年替者亦已去替期不遠待闕之人亦已赴任雖未赴任亦多已待闕一年方復使之還就審官別求差遣卽於人情有所未安兼朝廷欲使守令久於其官爲其自知勢可以久

王臨川文集卷四十一  
則果於有爲而又上下相安莫有苟且之意則必候成資然後許之再任孰若一年以上卽皆許之舉留如此則已除待闕之人免往返之勞弊而被留之守令又早自知其當久而於興利除害敢有所爲所有勅詞臣雖已具草如以臣議爲允只乞於所降勅語內除去如係三周年或三十箇月替到任已及成資係二周年替二十二字取進止

乞朝陵劄子

臣當仁宗皇帝英宗皇帝遷坐之時方以遭喪疾病在外今蒙召還復備從官伏見朝廷將命官朝拜諸陵臣欲備使冀得少紓螻蟻區區感慕之情伏望聖慈特賜矜許取進止

乞免修實錄劄子

臣准閣門報勅差臣與吳充同修英宗皇帝實錄竊緣臣於吳充爲正親家慮有共事之嫌今來實錄院止闕呂公著一人臣於討論綴緝不如吳充精密若止差吳充一人以代公著自足辦事伏望聖恩詳酌指揮所有勅牒臣未敢受取進止

乞改科條制劄子

卷三十一

伏以古之取士皆本於學校故道德一於上而習俗

成於下其人材皆足以有爲於世自先王之澤竭教  
養之法無所本土雖有美材而無學校師友以成就  
之議者之所患也今欲追復古制以革其弊則患於  
無漸宜先除去聲病對偶之文使學者得以專意經  
義以俟朝廷興建學校然後講求三代所以教育選  
舉之法施於天下庶幾可復古矣所對明經科欲行  
廢罷并諸科元額內解明經人數添解進士及更俟  
一次科場不許新應諸科人投下文字漸令改習進  
士仍於京東陝西河東河北京西五路先置學官使  
之教導於南省所添進士奏名仍具別作一項止取  
上件京東等五路應舉人并府監諸路曾應諸科改  
應進士人數所貴合格者多可以誘進諸科嚮習進  
士科業如允所奏乞降 勅命施行

○○○ 廟議劄子 卷三十一 二

准中書門下奏准治平四年閏三月八日勅遷

僖祖廟主藏之夾室臣等聞萬物本乎天人本乎祖  
故先王廟祀之制有疏而無絕有遠而無遺商周之  
王斷自稷契以下者非絕譽以上遺之以其自有本  
統承之故也若夫尊卑之位先後之序則子孫雖齊  
聖有功不得以加其祖考天下萬世之通道也竊以

本朝自僖祖以上世次不可得而知則僖祖有廟與稷契疑無以異今毀其廟而藏其主夾室替祖考之尊而下附於子孫殆非所以順祖宗孝心事亡如事存之義求之前載雖或有然考合於經乃無成憲因情制禮實在聖時伏惟皇帝陛下仁孝聰明紹天稽古動容周旋惟道之從宗祀重事所宜博考乞以臣等所奏付之兩制詳議而擇取其當

○○○議服劄子 卷三十一 七

先王議服也順性命之理而為之節恩之深淺義之遠近禮之所與奪刑之所生殺皆於此乎權之傳曰

三年之喪未有知其所從來者也蓋昔年及總麻緣是以為衰而其輕重遲速之制非得與時變易唯貴之於賤或降或絕或否蓋在先王之時諸侯大夫各君其父兄欲尊尊之義有所伸則宜親親之恩有所屈此其所以降絕之意也自封建之法廢諸侯大夫降絕之禮無所復施士大夫無宗其適孫傳重之屬不可純用周制臣愚以謂方今惟諸侯大夫降絕之禮可廢而適子死非傳爵者無眾子乃可於適孫承重自餘喪服當用周制而已何則先王制服三年之喪以為差非得與時變易故也然自秦漢以來言禮

者或失經旨而歷代承用傳守至今與夫邇世改制亦皆有說非以義析衷則不明故臣於所欲定則爲議以辯之末學寡陋獨用已見決千歲以來之所惑恐不能盡伏乞以付學士大夫博議今臣得與反復

○○○議南郊三聖並侑劄子 卷三十一

臣等聞推尊尊以享帝義之至推親親以享親仁之極尊尊不可以瀆故郊無二主親親不可以僭故廟止其先今三后並配欲以致孝也而適所以瀆乎享帝後宮有廟欲以廣恩也而適所以僭乎享親推存事亡則非所以尊親也臣等今詳議欲乞各如禮官所議

○○○議郊祀壇制劄子 卷三十一

四

先王所以交於神明壇坎牲幣器服時日形色度數莫不依其象類易曰一陰一陽之謂道乾陽物也坤陰物也冬至祀天於地上之圓丘所謂爲高必因丘陵而因天事天也夏日至祭地於澤中之方丘所謂爲下必因川澤而因地事地也蓋陽以圓爲形其性動陰以方爲體其性靜天陽而動故祀於地上之圓丘而禮神以蒼璧璧亦圓也地陰而靜故祭於澤中之方丘而禮神以黃琮琮亦方也合祀天地爲圓

壇而於國陽之地上豈聖人以類求神之意哉熙寧  
郊儀祭皇地示壇八角祭神州地示壇廣四十八步  
高五尺今則變方為圓壇神州築方壇而復無坎皆  
不應禮伏請皇地示神州地示為方壇壇之外為坎  
庶協古制右奉 聖旨改圓壇為方壇壇止餘不行

議郊廟太牢劄子 卷三十一 五

謹按禮記王制祭宗廟之牛角握周禮小司徒凡小  
祭祀奉牛牲入古者諸侯五廟初祠烝嘗每廟一太  
牢大夫三廟有天子之大夫故曰大夫用索牛謂之  
索者求得而用之但不在滌而已諸侯之祔祭用太  
牢吉祭則少牢自諸侯與天子之大夫時祭用牲如  
此然則天子之祭用牛者可知矣唐郊祀并宗廟社  
稷等祭悉用太牢其後稍易舊制九廟時享有攝事  
共用一犢 國朝開寶初冬至親郊詔有司宗廟共  
用犢一郊壇用犢三又詔其常祀惟 昊天上帝用  
犢自餘大祀悉以羊豕代之嘉祐中 仁宗親禘即  
每室用太牢自餘三年親祀入室共用一犢有司攝  
事惟以羊豕記曰先王之制禮也不可多也不可寡  
也惟其稱也是故君子太牢而祭謂之禮曰君子謂  
大夫以上也夫以天下奉其祖禰而廟享牲牢用過



乎儉不可謂稱今三年親祠而八室共用一犢及祫  
享盛祭有司攝事而少牢則非稱欲乞三年親祠并  
食饗有司攝事伏請太廟每室並用太牢一貼黃竊  
恐朝廷以牛數多或乞時饗且仍舊制右奉 聖旨  
唯親祠并祫享每室用太牢

○○議皇地示神州地示不合燎燔事劄子 卷三十一

伏為北郊所祭皇地示并神州地示祇合坎瘞自來  
卻如祭天升煙之義別建一壇燔祝版民昨累次具  
狀奏聞乞行改正雖蒙 聖旨下有司詳定又緣所  
定壇壝儀注條件不少考求典故未能遽革伏觀今

月二十一日神州地示亦依襲故常泥飾壇壝依舊

行事臣昨亦備述自古以來祭祀皆為瘞坎蓋取就

下求陰之義及考先儒所祭地示即無禋燎之文

觀國朝祀儀所載祀辭亦曰瘞儀却行合燎之禮

是從來差錯恐瀆于神欲乞不候議定諸壇壝等制

度先次考正今來瘞埋之義更不於壇上燔燎祝版

以別天神地示之異上副 陛下脩誠致孝肅恭祠

享之意奏聞候 勅旨狀前批送太常禮院本所謹

案古者祀天神燔柴登煙祭皇地示埋瘞蓋燔柴則

升煙于上瘞埋則達氣于下求神必以其類故也王

涇唐郊祀錄凡祭祀地示則爲瘞培於神壇之壬地方深取足容物祭訖置牲幣祝饌於其中而埋之熙寧祀儀皇地示神州地示皆爲燎壇方一丈高一丈有二尺開上南出方六尺在壇南二十步丙地祭大社大稷又設燎柴於西神門外道北以地示而同之天神之祀殊悖於禮所有今來王某起請實合禮制伏請自今祭皇地示神州地示大社大稷其祝版與牲幣饌物竝瘞於培更不設燎所有皇地示神州地示燎壇竝乞除去

○○○進對疾遺事劄子 卷二十二

臣前日伏奉 聖旨許進對疾遺事今繕錄已具然無別本叅校恐不能無脫誤竊以宇文黑獺之中材遇傾側窮困之時而輔之以區區之蘇綽然其爲法尚有可取伏惟 陛下天縱上智卓然之材全有百年無事萬里之中國欲勦業垂統追堯舜三代在明道制衆運之而已如李泌所稱豈足道哉願采多聞以考古今得失之數則此書亦或可備省覽謹隨 劄子上進

非所據陛下必欲誤加獎擢實恐上累知人任使之明伏乞 聖慈勅還成命以合衆論之

千一

則考古今爵夫之媿傾此書亦如河斷谷壅壅壅  
鼓沸眾戰之而日收李必河蘇豈只道若而後  
年無事萬里之中國必將業垂絲垂垂矣  
尚育河郊大卦 聖不天錄土皆卓然之林全府百  
豈則國窳困之邦而轉之以國國之藉錄然其為志  
無限本參對恐不須無知疑蘇以宇文黑蘇之中林  
百頃日大奉 聖旨指教僕氣散事今蘇給了具然

新刻王介甫先生文集卷四十三

劄子

辭男雋說書劄子

臣今日伏奉 聖旨除男雋太子中允崇政殿說書  
臣雖已奏論非宜尚未蒙恩開允事有關於國體豈  
敢冒昧不言臣竊觀 陛下即位已來慎惜名器一  
介之任必欲因能講藝之臣尤為遴選如雋學問荒  
淺加以未更事任試之筦庫尚懼不勝論經之地實  
非所據 陛下必欲誤加獎擢實恐上累知人任使  
之明伏乞 聖慈察臣懇款追還成命以合眾論之

公取 進止

○ ○ ○ 辭男雱授龍圖劄子三

卷十七二十二

臣伏承 聖恩以修撰經義罷局除臣男雱龍圖閣

直學士臣雖已懇辭未蒙昭察伏念臣男雱誤受之

陛下知獎特以粗知承學比奉 聖旨撰進經義尚

未了畢遂自太子中允崇政殿說書擢授右正言充

天章閣待制兼侍講當是時所叨恩命已駭眾人觀

聽在臣父子已所難安伏蒙 宣諭令臣更勿辭免

臣亦以謂 聖恩錄進書微効遂不敢辭自爾以來

雱以疾病隨臣不復與聞經義職事今茲罷局在雱

更無尺寸可紀之勞不知何名更受褒賞非特於臣

父子私義所不敢安竊恐朝廷賞罰之公如此極為

有累伏望 聖慈察臣懇悃追寢誤恩非特臣父子

曲蒙保全亦免眾人於聖政有所譏議

○ ○ ○ 第二劄子 卷十七二十三

臣伏奉 詔書以臣乞免臣男雱恩命未賜允俞臣

之懇款已備前陳螻蟻微誠未能昭徹然國家之賞

典務在報功施之非宜實累國體非特在臣父子私

義所不敢安伏惟大明無所不燭察臣非敢妄干

聖聽早賜追寢誤恩謹再具劄子陳免以聞

五第三劄子 卷十七 二十三

臣近累具劄子辭免臣男雱恩命伏蒙 聖慈特降  
詔書不允者臣之懇誠已具前奏 聖恩深厚未即  
矜從在臣區區實不寧處如臣叨昧尚所難勝况又  
賤息何名享此賞而無勸累國實多伏望 聖慈察  
臣父子皆荷 陛下全度之至恩所以上報生當隕  
首死當結草而已謹三具劄子陳免以聞

進字說劄子 卷二十八

臣在 先帝時得許慎說文古字妄嘗覃思究釋其  
意冀因自竭得見崖略若矇視天終以罔然念非所  
能因畫而止頃蒙 聖問俯及退復黽勉討論賴恩  
寬養外假歲月而桑榆憊耗久不見功甘師顏至奉  
被訓勅許錄臣愚妄謂然者繕寫投進伏惟大明苑  
燭無疆豈臣螢爝所敢銜冒承命遑迫置慚無所如  
蒙垂收得御宴間千百有一儻符神情愚所逮及繼  
今復上千汗宸辰臣無任

乞改三經義誤字劄子二道

元豐三年八月二  
十八日奉 聖旨

直令國子監依 卷二十九  
所奏照會改正

臣頃奉 勅提舉修撰經義而臣聞識不該思索不  
精校視不審無以稱 陛下發揮道術啓訓天下後

世之意上孤眷屬沒有餘責幸蒙大恩休息田里坐  
竊榮祿免於事累因得以疾病之間考正誤失謹錄  
如右後伏望清燕之間垂賜省觀儻合聖心謂當刊革  
卽乞付外施行臣干冒天威無任云云取 進止

○○○尚書義

臯陶謨按見其惡當作按其見惡

益稷故懋使之化當作則懋使之化

微子純而不雜故謂之犧犧當作牲完而無傷故謂  
之牲牲當作犧

洪範有器也然後有法此書以以謂之範者以五行  
爲宗故也五行猶未離於形而器出焉者也擴而  
大謂之弘積而大謂之丕合而大謂之洪此書合  
五行以成天下之大法故謂之洪範也已上七十  
一字今欲刪去

又云陶復陶穴尚矣後世易之棟宇而其官猶曰司  
空因其故不忘始也已上二十六字今亦欲刪去  
周官唐虞稽古字上漏日字

○○○周禮義

小宰其財用上其字當作共

大府受藏之府則若職內掌邦之賦入是也受用之

府則若職歲掌邦之賦出是也已上三十字今欲刪去

黨正歲屬其民者四四當作五

誦訓以詔王觀事當去王字

典瑞手足腹背手當作首

家人山林之尸則以山虞已上八字今欲刪去

銜僕掌萬民之復復當作逆

大馭有軌也軌當作軌

大行人三公八命出封加一命則謂之上公已上十

四字今欲刪去

○○○詩義

北風北以言其威雨雪以言其虐涼者氣也嗜者聲

也雩蓋言聚霏蓋言散氣之所被者近聲之所加

者遠聚則一方而已散則無所不加此言其為威

虐後甚於前也已上六十三字今欲刪去改云北

風之寒也而以爲涼北風之厲也而以爲嗜此以

言其為威雨雪之散也而以爲雩雨雪之集也而

以爲霏此以言其為虐

君子偕老玼兮玼今其之翟也者服之盛也服之盛

字下今欲添實宜之三字又云瑳兮瑳今其之展

也蒙彼縹緜是泄祥也者亦服之盛也亦服之盛字上欲減亦字服之盛字下欲添文宜之三字定之方中說於桑田者者當作則

于旄州里之士所建今欲改為鄉黨之官所建

有女同車公子五爭爭當作爭

駟鐵駟馬既閑駟當作四

墓門食榘而甘榘當作甚

七月去其女桑而猗之然後柔桑可得而求也已上

十六字今欲刪去改云承其女桑而猗之然後遠

揚可得而伐也

又蠶月者非一月故不指言某月也下添云蠶女事

也故稱月焉

又云猗薪之也言猗女桑則遠揚可知矣言伐遠揚

則女桑可知矣皆伐而猗之也已上三十字今欲

刪去

車攻言其連絡布散衆多若奕棋然已上十二字今

欲刪去

小旻發言盈廷廷當作庭

桑扈受福不邦邦當作那

生民麻麥悛悛麥當作麥



公劉篤之字从竹从馬馬行地無彊以竹策之則力行而有所至篤之爲言力行而有所至也已上三十四字今欲刪去

卷阿藹藹然盛多然當作其又云故次以旣醉太平也多太平二字今合刪去

召曼昏非所以爲哲字上漏明字今合添

時邁政之所加孰敢不動懼今欲改去政之所加孰敢不震動疊息

那磬管將將管當作筦

○ ○ 又劄子

臣近具劄子奏乞改正經義尚有七月詩剝棗者剝其皮而進之養老故也十三字謂亦合刪去如合聖心亦乞付外施行取進止

論改詩義劄子

臣子雋奉聖旨撰進經義臣以當備聖覽故一二經臣手乃敢奏御及設官置局有所改定臣以文辭義理當與人共故不敢專守已見爲是旣承詔頒行學者頗謂所改未安竊惟陛下欲以經術造成人材而職業其事在臣所見小有未盡義難自默所有經置局改定諸篇謹依聖旨具錄新舊本進

呈內雖舊本今亦小有刪改處并略具所以刪復之意如合 聖旨即乞封降檢討呂升卿所解詩義依舊本頒行小有刪改即依 聖旨指揮取 進止

荅手詔言改經義事劄子 九月十一日

臣伏奉手詔依違之臯臣愚所不敢逃然 陛下既推恩惠卿等而除其所解臣愚不敢安此若以其釋說有甚乖誤者責臣更加刪定臣敢不祇承聖訓取進止

○○○改撰詩義序劄子 卷二十三

臣伏奉手詔以臣所進三經義序有過情之言宜速刪去臣雖嘗敷奏以為文字所宜又奉 聖訓再三但令序述解經之意不須過有稱道伏惟 皇帝陛下盛德至善教於四海非臣筆墨所能加損然因事宣著人臣之職也誠以言之不足為懼不以近於媚諛為嫌而上聖所懷深仁謙損臣敢不奉承 詔旨庶以仰稱堯禹不爭不伐之心所辭撰到詩義并前進書周禮義序謹隨劄子投進昧冒天明臣無任○○○乞以所居園室為僧寺并乞賜額劄子 卷十九二十三

此下有進  
二修劄子  
今存無別  
劄補入

臣幸遭興運超拔等事知獎眷憐逮兼父子戴天負地感涕難勝願迫衰殘糜捐何補不勝螻蟻微願以

臣今所居江寧府上元縣園屋爲僧寺一所永遠祝  
延 聖壽如蒙矜許特賜名額庶昭希曠榮與一時  
仰憑威神誓報無已

乞將田割入蔣山常住劄子

卷十九 二十四

臣父子遭值 聖恩所謂千載一時臣榮祿既不及  
於養親勇又不幸嗣息未立奄先朝露臣相次用所  
得祿賜及蒙恩賜勇銀置到江寧府上元縣荒熟田  
元契共納苗三百四十二石七斗七升八合廢一萬  
七千七百七十二領小麥三十三石五斗二升柴三  
百二十束鈔錢五二十四貫一百六十二文省見託蔣山  
太平興國寺收歲課爲臣父母及勇營辦功德欲望  
聖慈特許施充本寺常住令永遠追薦昧冒天威無  
任祈恩屏營之至取 進止

○○○ 謝官醫劄子

卷十九 十一

東府於今四年方

食浮擬災自取危疾敢籲 天聽上煩愍惻不圖聞  
徹特旨慈憐亟遣內臣挾醫馳降臣背瘡餘毒卽得  
仇齋敷貼平完尚以風氣冒悶言語蹇澁又賴杜壬  
諺療尋皆痊愈臣迫於衰暮自分捐沒 聖時朽軀  
更生實叨殊賜戴天荷地感涕難言臣瞻望闕庭不  
任屏營汎瀾激切之至 聖恩善答而



於不可復容則終「累」陛下知人之明非特害臣私義而已臣所以昧冒有今日之乞也伏奉宣諭未賜哀矜彷徨屏營不知所措然臣所乞固已深慮熟計而後敢言與其廢職而至誅則寧違命而獲譴且大臣出入以均勞逸乃是祖宗成憲益國論所屬怨惡所歸自昔以擅其事鮮有不遭辜黜然則祖宗所以處大臣不爲無意也臣備位亦已久矣幸蒙全度偶免譴呵實望陛下深念祖宗所以處大臣之宜使臣獲粗安使異時復賜驅策臣愚不敢辭

二

臣某螻蟻微誠屢煩天聽每蒙訓荅未賜矜從惶怖征營不知所措臣今日奏對近於日旰不敢久留以勤聖體所以依違遂退卽非敢食其言以道事君誠爲臣之素守苟可強勉而免違忤之辜臣亦何敢必其初心實以疾病浸加恐墮陛下所付職事上累陛下知人之哲下違臣不能則止之義此所以彷徨迫切而不能自止也且臣所乞特冀暫均勞逸非敢遂卽田里之安竊謂聖恩不難賜許謹具劄子陳乞伏望聖慈特垂開允

三

臣今日得望 陛下清光伏蒙敦喻獎激可謂備厚矣臣雖愚戇豈敢忘 陛下至恩盛德然臣之懇款亦已具陳實望 陛下照察哀憐使臣得休養其疲昏以免曠職之負而不累 陛下知人之明也臣干忤天威無任惶怖之至

四

臣今日伏蒙 陛下令呂惠卿宣道 聖旨又令馮宗道隨賜手詔趣令復位眷顧之厚非臣殺身所能上報然臣不才無補時事肝鬲狼狽已具面陳君臣之義實均父子苟尚可以黽勉豈敢輕爲去就誠以義不獲已須至昧冒天威 陛下至仁常恐一物失所況臣特蒙獎擢久備驅策夙夜之勞簡在聖心豈容不思所以全安之而令終於顛躓也伏望哀憐匹夫之志有不可奪早賜處分臣無任瞻 天祈恩激切之至取 進止

五

臣伏蒙 聖恩特降中使傳宣封還所上表不允所乞臣誠惶誠感不知所措竊念臣蒙 陛下恩德至深至厚方 陛下旰食焦思之時豈宜自求安佚實以疾疢所嬰曠廢職事若不早避賢路必且仰誤任

使狼狽所愬具如前奏伏惟 陛下天地父母曲賜矜憐察臣干祈出於甚不得已臣生當隕首死當結草謹再具劄子陳乞臣無任惶怖狼狽追祈恩之至

六

臣伏奉 聖恩特降中使令臣入見供職臣之懇誠略已昧冒 天聽高邈未蒙垂惻輒復陳叙仰冀哀

憐伏念臣孤遠疵賤衆之所棄 陛下收召拔擢排天下異議而付之以事八年於此矣方 陛下興事造功之初羣臣未喻 聖志臣當是時志存將順而

不知高明彊禦之爲可畏也然 聖慮遠大非愚所

及任事以來乖失多矣區區夙夜之勞曾未足以酬萬一之至恩今乃以久擅寵利羣疑並興衆怨總至臯惡之釁將無以免而天又被之疾疢使其意氣昏惰而體力衰疲雖欲彊勉以從事須臾勢所不能然後敢干天威乞解機務竊以謂 陛下天地父母宜垂矜憐論其無功則雖可誅閔其有志則或宜宥終始全度使無後艱而未蒙 天慈顧哀猶欲彊以重任使臣黽勉尚能有補 聖時則雖滅身毀宗無所避憚顧念終無來效而方以危辱上累朝廷此臣所以不敢也 陛下明並日月何所不燭願賜容光之

王臣川文集 卷四十四  
地稍委照焉則知臣之惓惓非敢苟忤恩指也臣乞  
且於東府聽候朝旨伏望 陛下垂恩早賜裁處臣  
不任昧死干祈激切之至

謝手詔慰撫劄子

臣昨日伏奉手詔所以慰撫備厚非臣疵賤之所宜  
蒙伏讀不任感激屏營之至今日呂惠卿至臣第具  
宣 聖旨臣雖縻軀隕首豈能上酬獎遇臣自江南  
召還獲侍清光竊觀天錫 陛下聰明睿智誠不難  
興堯舜之治故不量才力之分時事之宜敢以不肖  
之身任天下怨誹欲以奉承 聖志自與聞政事以  
來遂及期年未能有所施爲而內外交構合爲沮議  
專欲誣民以惑 聖聽流俗波蕩一至如此 陛下  
又若不能無惑恐臣區區終不足以勝而久妨衆邪  
之路則惑誣罔出於不意有甚於今日以累 陛下  
知人任使之明故因痰疾輒求自放 陛下不以臣  
狂獩賜之臯戾而屈 至尊之意反復誨喻臣豈敢  
尚有固志以煩督責只候開假卽入謝區區所懷冀  
得面奏臣無任感天荷聖激切屏營之至謹具劄子  
奏知

謝手詔訓諭劄子



臣以不才久曠高位昧冒求解屢煩 聖聽曲蒙矜  
允實荷至恩繼奉手詔俯垂訓喻非臣隕首所能報  
稱伏惟 陛下躬堯舜盛德舉千載一隆之政以福  
休斯民萬邦黎獻所願致死况臣踈遠疵賤首蒙察  
舉 陛下任之至重而眷之至優一旦違離誠非獲  
已苟異時 陛下未賜棄絕而臣犬馬之力尚足以  
效則豈宜背負恩德長自絕於聖時哉臣瞻天荷聖  
無任激切之至

荅手詔封還乞罷政事表劄子

臣今日具表乞罷政事方屏營俟命而呂惠卿至臣  
第傳 聖旨趣臣視事續又奉手詔還臣所奉喻以  
天下之事盡力固可成就以卿所學不宜中輟俛聽  
伏讀不勝螻蟻區區感慨惻怛之至臣蒙拔擢備數  
大臣 陛下所以視遇不爲不厚矣豈敢輕爲去就  
誠以 陛下初訪臣不事臣卽以變風俗立法度爲  
先今待臯期年而法度未能一有所立風俗未能一  
有所變朝廷內外詖行邪說乃更多於鄉時此臣不  
能啓迪聖心以信所言之明効也雖無疾疢尚當自  
効以避賢路況又昏眩難以看讀文字卽於職事當  
有廢失雖貪 陛下仁聖卓然之資冀憑日月末光

相有所成而自計如此豈容偷假名位坐棄時日以負所學上孤 陛下責任之意伏望 陛下哀憐矜察許臣所乞毋令臣得要君之嫌重為流俗小人所毀臣不勝祈天俟聖激切之至取 進止

荅手詔令就職劄子

臣累奏乞解機務歸田里伏奉手詔令臣無復有請祗服 聖訓便宜就職然臣所以致身許國正欲行事君之義而已若致身於辱殆之地以累 陛下知人之明而令天下後世譏議及國則非臣所學事君之義也昔仲山父既明且哲以保其身故宣王有任賢使能中興之功臣既不自知又昧於知人信已妄行以至今日免於大戮實 陛下天地父母之賜也若猶冒恩不即自弛終恐傷 陛下保全臣子之仁是以不敢伏望 陛下哀臣懼至特賜矜許臣無任瞻天祈恩激切之至取 進止

荅手詔留居京師劄子

臣伏奉手詔欲留臣京師以為論道官宜體朕意速具承命奏來臣才能淺薄誤蒙 陛下拔擢歷職既久無以報稱加以精力衰耗而咎釁日積是以冒昧乞解重任幸蒙 聖恩已賜矜允而繼蒙恩遣呂惠

王臣川文集卷四十四  
卿傳 聖旨欲臣且留京師以備顧問臣竊伏惟念  
父子荷知遇誠不忍離左右既又熟計論道之官固  
非所宜且以置之閑地似爲可處 陛下付託旣已  
得人推誠委任足以助成 聖治臣義雖以更留京  
師以速官謗若 陛下付臣便郡臣不敢不勉至於  
異時或賜驅策卽臣已嘗面奏所不敢辭伏望  
聖心特賜矜察臣無任感天荷聖激切征營之至伏  
取 進止

○○○ 辭僕射劄子

卷十六 七

臣伏奉制恩以提舉修撰經義了畢特授臣尚書左  
僕射兼門下侍郎加食邑實封承命惶怖已曾面辭  
宣喻稠疊未垂聽允伏念臣特蒙 陛下知遇任使  
實以稍知經術叨塵非一每愧無功更以訓釋微勞  
過受褒遷殊禮格之公論孰以爲宜況在私誠尤難  
安此伏望 陛下俯昭悃悞特賜哀憐追還誤恩以  
保危拙謹具劄子陳免以聞

○○○ 第二劄子

卷十六 八

臣近具劄子辭免恩命伏蒙 聖慈特降詔書不允  
者區區所陳備出肝膈重煩睿訓以懼以慚伏念臣  
蒙恩自外召還復得與聞政事智衰耄及筋力弗支

王臨川文集卷四十四  
仰惟駿德之日躋深懼薄材之難副雖未敢以妨賢  
自弛顧豈宜以非分妄遷賞浮於勞實累國體豈惟  
私義所不敢安伏望 聖慈深以保全臣子爲念早  
賜追還成命以允中外論議之公謹再具劄子陳免  
以聞

○立第三劄子 卷十六 九

臣近累具劄子辭免恩命伏蒙 聖慈特降詔書不  
允者睿訓丁寧豈宜逋慢顧惟懇款實有可矜干忤  
天威良非獲已伏念臣出於孤遠遭值聖時弱力而  
重任薄功而厚享夙興夜寐深懼顛隳豈敢非分更  
叨殊獎且方 陛下發明經術啓迪人材而臣偶以  
乏人遂當器使遺經殘缺之既不易知聖學高明又難  
仰副雖已強顏應詔實恐難以頒行豈意天度包荒  
藏疾褒崇獎勵在所難勝性儒尚學誠 陛下盛德  
量能知分亦臣之私義伏望 聖慈俯照誠悃以其  
終難昧冒早賜追寢誤恩 謹三具劄子陳免以聞

乞宮觀劄子

臣某頃被召還復汙宰司 行以亢滿易隳事以衰疾  
多廢幸蒙恩釋重寄尚兼將相之官自惟憂傷病疾  
之餘復當辭劇就閒之日過叨榮祿非分所宜黽勉

王臨川文集 卷四十四 九  
方州亦將不逮故因賜對輒預奏陳俟到江寧須至上煩聖慮乞以本官外除一宮觀差遣於江寧養疾過蒙眷獎喻以母然非臣糜殞所能仰稱而臣自離闕庭所苦日侵目眩頭昏背寒膈壅加之喘逆稍勞輒劇若非蒙恩許免藩任且令休養卽恐瘳復無期輒敢昧冒天威具陳前日悃悞伏望 陛下特垂睿聽俯亮愚誠早賜矜從使得寧濟卽異時稍堪驅策誓復罄竭疲駑臣無任

臣某近輸悃悞仰丐恩憐干忤天威方懷憂畏伏蒙聖慈特遣使人賚賜訓勅論以至意撫存顧念逮及存沒負荷恩德無以勝任瞻望闕庭唯知感涕然臣之懇懇實有可言伏念 抱疾以來衰疲浸劇若黽勉從事必不能上副憂勤而應接之勞適足以自妨休養又地閑祿厚非分所宜聖心雖示優容臣終難於叨昧伏望 陛下俯垂燭察早賜矜從他日苟獲夷瘳餘年敢辭驅策臣無任

三

臣某比因馮宗道還闕具輪區區螻蟻之情繼蒙撫存曲賜訓諭臣誠惶誠恐已具表稱謝以聞竊惟

天慈終始眷憐故欲賦以厚祿示以優禮不然一州之守豈憂付屬乏人臣憂患心餘生加之疾病喘焉朝夕難冀久存 陛下所以愛臣何啻天地父母令臣多尸廩賜重貽亢滿之殃豈若賜以安閑使有寧瘳之福伏望深垂簡照早賜矜從他日膺力復可驅馳敢不致死以圖報效臣無任一

四

臣某備位七年初無分毫績効以病自列獲解繁機而誤恩曲加寵祿并過豈臣庸朽所可堪任況自涉春以來衆病並作氣滿力憊不可支其勢如此以尸厚祿則有食浮之憂以任州事則有官曠之責計臣之分無一可爲故願乞其不肖之身体養歲月而聖書繼至訓勅加嚴雖 陛下示眷獎之意始終不逾而臣竊自度量終雖黽勉以稱萬一倘徨跼蹐不知所言輒復于冒 天威期於得請而後已伏望陛下深垂簡照早賜矜從他日若獲寧瘳顧雖晚節末路尚知補報惟所驅策豈敢辭免除已具表謹具劄子陳乞臣無任

五

臣某近四上表乞以本官外除一官觀差遣伏蒙

聖慈特降詔書不允所乞仍斷來章螻蟻之微頻煩  
寵諭臣之懇誠已具累表愚衷激切終冀矜從伏念  
臣荷國厚恩未報萬一若非疾苦不能任事豈敢數  
違訓勅以自取逋慢之誅但以病勢日增雖外視形  
色若無甚苦而神耗於中力憊於外一有動作卽不  
可支思慮恍然事多遺忘以此居官豈能塞責且一  
方之任非獨簿書獄訟在所省察至於儆戒盜責輯  
安兵民責在守臣事實至重此豈精神衰耗體力疲  
憊之人所可堪任伏望 陛下加惠留聽察其所請  
出於誠然早賜開允則非獨於臣私分得以自安亦  
於 陛下任使之際無曠官廢事之悔臣愚不勝至  
願謹復具劄子陳乞臣無任

求退劄子

臣伏奉手詔令臣二十三日人見臣明日當入見然  
臣之懇款具如前奏所陳匹夫之志有不可奪實望  
聖慈必賜矜從

充觀察使第一

○○○ 已除觀使乞免使相劄子

卷十六 十九

臣其衰疾疲曳難於自力干恩天聽至於三四逋慢  
訓獎臯當誅殛伏奉勅命就除觀使俯從燕安之願  
欲猶假非分之名器鴻慈覆載不啻天地感激涕泗

無言以諭然以將相之祿養疾於田里歷選近世勲賢未有若斯比例臣愚無狀績効不昭欲以何名敢此叨昧且臣蒙 陛下識拔序之羣臣之右當以粗知分義爲異庸人今若以衰殘向盡之年貪非所據豈不自墮素守而仰累 陛下知人之明伏望

聖慈察臣累奏許以本官充使於江寧府居住冀蒙 瘳復終誓縻捐所有 勅命臣未敢祇受除已具表謹復具陳乞以聞于忤天威臣無任惶懼祈恩之至

○○○第二劄子 卷十六 二十

臣某伏奉詔書不允所乞祇荷 聖訓丁寧備至非

臣庸朽所可堪稱伏自惟念臣以疾病不勝從事之勞而欲自休養退歸田里乃分之宜尚恃眷憐私竊自恕而求以本官食官觀之祿於外於臣之義媿負已多而 陛下乃欲使之兼將相之重而處於此雖仰戴恩德爲至厚矣而臣歷選前代近至本朝所以寵待勲舊之臣無有斯比況臣久尸重任績効不昭豈可度越前人有此叨據是且上虧 陛下名器不以假人之道下傷愚臣知止之義伏望特垂睿聽早賜允從則非獨於臣私分得以自安亦於天下公論爲協除已具表謹復具劄子陳乞以聞臣無任



臣某近以懇誠上干天聽伏蒙 聖慈特降中使賚

賜詔書仍斷來章臣以朴愚久逋明命臯譴之及所

不敢辭而 陛下加惠寬矜慰喻備至仰荷天地厚

恩非臣殞越所能報稱然臣之懇懇亦素具開分義

既所難受臣亦敢自巳竊惟人君之御臣以其任

隆而責重故委之高爵重祿而無媿此上下所以兩

得而能治安也今臣既以疲瘵退歸闕里尚恃

陛下眷存謂其嘗預政事有夙夜之微勤故敢求以

本官食宮觀之祿于外已於理分爲所非宜而

陛下乃疏誤恩使兼將相之重臣愚不肖病不任事

顧於 陛下勵精求治之時不能自力以裨補萬一

而坐尸名器如此其厚人臣之出力赴功方任隆責

重而有勲勞者 陛下將復何以處之此臣所以不

敢也臣若苟貪仰副訓勅而不知慮此則非獨於臣

私義無以自全亦於國家大體所損非細故復冒昧

期於得請而後已伏望 陛下始終念察早賜聽許

則非獨臣爲幸臣無任

○ ○ 第四劄子 卷十六 二十一

臣某近再以懇誠上干睿聽逋慢明訓方虞譴謫伏

蒙天慈特差臣弟某賞賜詔書不允所乞傳諭德意  
撫存備厚仰荷天地至恩捐軀隕首無以上報伏自  
惟念臣以衰病無勞之身得請於外雖能爲上陳太  
任一方之寄以忝將相尚爲非分況今蒙恩寬假得  
就燕閒豈可坐而尸此以養痾田里之中此臣所以  
不敢忘止足之義而自取辱殆也所懷懇激已具累  
奏雖陛下申加獎勵恩德有隆而愚臣竊自揣稱  
終無可以叨昧之理伏望陛下俯垂閔察早賜開  
允則非獨臣爲幸甚除已具表謹復具劄子陳乞以  
聞臣無任

宜請劄子元劄子

臣適已見蘇子元具宣聖旨然兵事貴速變在失  
時恐子元往不如期郵行之疾亦恐子元道路偶或  
有故稽留則無及事臣愚謂宜遽中賜郭逵等劄子  
更錄付子元令申喻曲折

更難於今中... 部恐于... 聖青然...

新刻臨川王介甫先生文集卷四十五

內制 冊文表本青試

郊祀 昊天上帝冊文

伏以眷命作邦百年於此蒙休承福外內用寧施及  
冲人嗣膺歷服燎禋有典稱秩惟時

郊祀 皇地祇冊文

伏以大報于郊有典咸秩厥作成物配天同功合食  
泰壇義存一體猥以冲眇紹休前人絜承昭事不敢  
不祭

郊祀配帝 太祖皇帝冊文

五臨川文集卷四十五  
伏以命于帝廷肇造區夏掃除僭悖人以永寧陟配  
天郊實存舊典靈承主薦其敢忘初

朝享景靈宮 聖祖大帝冊文

伏以靈德在天實基皇命降依下土臨況後人方以  
眇躬進承郊廟神遊所御獻享惟時庶幾顧歆永有  
蒙賴

朝享 仁宗皇帝冊文

伏以體道邁德寵綏臣民休嘉坐廷燕及于後肆以  
寡昧獲承郊宮裸饋有儀敢忘用舊

朝享 英宗皇帝冊文

伏以靈德美行實兆初潛神民所歆寶命自至祗紹  
考服循而弗改用謚土宇以詒沖人登祔新宮歷茲  
嘉月燎裡有舊裸享惟時

○○○ 皇后冊文 卷四十一

維熙寧二年歲次己酉四月丁酉朔二十六日壬戌  
皇帝若曰自昔有天下必擇建厥配以承宗廟以御  
家邦肆朕受命奉循前烈考慎典冊以祈協于神民  
咨爾向氏懿柔淑恭舊有顯聞肇功惟祖弼亮帝室  
流德之澤覃延後嗣是產碩媛比賢姜任越朕初載  
來嬪藩邸盥饋在中率禮無違以至嗣服祗承內事

齋明夙夜罔有曠失宜崇位號表正宮庭今遣攝太尉推忠協謀同德佐理功臣樞密使光祿大夫檢校太傅行尚書刑部侍郎上柱國東平郡開國公食邑五千戶食實封一千戶呂公弼攝司徒朝散大夫右諫議大夫叅知政事護軍太原郡開國侯食邑一千一百戶賜紫金魚袋王珪持節冊命爾爲皇后夫惟與王釐厥士女咸自內始達于四海朕克勤人用弗怠朕克儉人用弗奢朕克正人用無敢側頗僻爾勵朕相乃濟登茲於戲厥初惟艱惟慎厥終爾忱念茲朕以永享天祿爾亦豫膺無疆之福豈不韙哉

先天節 皇帝謝內中露香表

伏以眇躬無似實膺駿叩之休釐事有初敢廢靈承之舊冀蒙僊聖俯監齋肅

天貺節 皇帝謝內中露香表

伏以靈命告休嘉名紀節用露熏之故事酬乾施之至恩仰賴監俯壅歆祐

降聖節 皇帝謝內中露香表

伏以昊天錫命實佑永圖良月御時載臨嘉節率循故事升薦至誠仰冀靈明溥垂庇貺

冬至節 皇帝謝內中露香表

五臨川文集卷四十五  
伏以四氣隨旋一陽來復仰瞻穹昊祇薦芬香所冀  
含生並蒙垂福

南郊青城 皇帝問 太皇太后皇太后聖體  
表

臣名言自宮徂郊夙夜祇事方此寒沍關於定省伏  
惟比日寢食宜加

太皇太后回答 皇帝問聖體書

太皇太后致書于 皇帝奉祠郊宮爲國大事夙興  
夜寐固已勤勞勉慎節宣以膺禧福

皇太后回答太廟 皇帝問聖體書

太后致書于 皇帝率群臣肇見祖考孝思之至  
何以自勝尚慎興居以保休福

寒食節起居永陵宣祖諸陵等處表

伏以榆火戒時栢城一望薦豆遷之新物弗獲躬親  
象几席之平居實存御蠲烝有舊綯慕無窮

寒食節起居諸陵昭憲等諸后表

伏以桐華伊始火令嚴獲嗣慶圖仰蒙慈芘追淑  
靈而莫逮歷時序以增心

中元節三陵起居后表

伏以素秋伊始華月旣滿物御氣以夷傷心感時而

王臨川文集卷四十一  
悽愴伏惟 尊謚皇后 風無斃慈範有詒猥以眇  
沖仰承慶裕瞻幽靈之宅結永慕之至懷

八月一日永昭陵表

伏以暑徃御時宵中應律載班秋朔申薦廟嘗伏惟  
尊謚皇帝體道成乾施仁應物率土方涵於聖化賓  
天遽愴於神遊追龍駕空衢莫知所稅瞻烏耘之  
新隴但有至懷

十月一日永昭陵表 仁宗皇帝旦表

伏以月乘該闕時御閉歲回薄以將更物盛多而  
可享恭惟 尊謚皇帝德符穹昊功濟黎元方求大  
隗之居遂兆成周之葬光靈在望感惻交懷

○○十月一日起居永安陵等處諸陵表 卷二十一十六

伏以日星隨旋歲月從邁物更收擱之候人積悽愴  
之懷恭惟 尊謚皇帝躬睿廣之材撫休明之運協  
九皇而高世追三后之在天方以眇躬嗣膺神器想  
威靈之如在感氣序以增欷

十月一日起居永安陵等處諸后陵表

伏以哀恫在疚未盡通喪弦晦如流載更良月恭惟  
尊謚皇后降釐媯泐播美河洲著慈範以如存流徽  
音而可想遡陵永望感節深追

冬至節上諸陵表

伏以氣復黃宮晷移北陸物驗土灰之應官修雲物之占恭惟 尊號皇帝睿廣應期休明作又收功既往垂範方來感時序之變流想威靈而慘結

冬至節上諸皇后陵表

伏以四時交御一氣潛萌慶雖屬於履長悲豈忘於追慕恭惟 尊謚皇后升儷尊極協成休明德範有詒方美王睢之摯容衣不闕尚瞻禴翟之華永想光靈詎勝摧感

寒食節上南京鴻慶宮等處 太祖諸帝表

伏以火禁肇修春祺溥被維是奉粢之禮適當濡露之時恭惟 尊謚皇帝德協上穹功施後裔僚神鄉而弗反厥聖像以如存罔慕威靈載懷感怵

中元節起居外州諸宮觀 諸帝神御殿表

伏以夷則御辰商聲甫協望舒戒節陰魄既盈伏惟尊號皇帝道邁往初恩溥品彙於屬車之所御有原廟之舊儀方此戒寒豈勝追遠

中元節起居諸陵表

伏以方秋厥初既月之望昊天始肅繁露未晞伏惟尊謚皇帝若昔大猷受天明命躬有靈德燕及後昆



猥以眇躬紹膺慶緒至恩罔極寧忘駿命之休釐事  
有初敢廢靈承之舊冀蒙僊聖俯鑒齋精

十月一日起居揚州 諸帝神御殿表

伏以徂歲如流甫更良月遺衣所御實有經祠方屬  
接艱仰承錫羨瞻威靈而如在歷時序以增思

冬至節上南京鴻慶宮等 諸帝表

伏以子位杓回黃宮氣應既兆天正之始方扶陽律  
之微恭惟 尊號皇帝體道邁仁膺時建極豫游所

次館御如存撫時序之變更仰威神而感惻

○ ○ 先天節奏告 仁宗皇帝表 卷二十一 十七

伏以金氣御時商聲應律仰閱火流之速俯沾露降

之淒伏惟 仁宗皇帝功協聖謀道侔乾則至至仁

而不丕冒慶實無窮感素節以深追悲何有極

南郊下元節更不於景靈宮朝拜奏告 聖祖

大帝表

伏以帝繫所元僊遊如在載更令節當款殊庭以上  
禋祠將陳裸獻惟祭儀之難黷冀神監之具昭

南郊禮畢 皇帝謝內中功德表

伏以蠲烝廟祧縈告郊時實蒙芘貺以獲顧歆惟錫  
福之無窮曷歸誠之有已

南郊禮畢福寧殿奏謝 英宗皇帝表

伏以膺命紹休諏時協吉告潔粢於廟室奠嘉玉於郊丘雖祇奉聖謨獲無疆之慶賴而深追神眷重罔極之哀摧

真宗皇帝忌辰奏告永定陵景靈宮慈德殿表  
伏以慶靈回薄永芘後昆時序徂遷奄更諱日威神在望感怵兼懷

集禧觀開啟爲民祈福祈晴道場默表

伏以雨淫爲菑民用愁墊式陳淨供以致誠祈冀格靈明遂蒙開霽惟潔粢之無害仰休饗之有依

南京鴻慶宮開啟 皇帝本命道場青詞

伏以寶命有詒以自求而致福至神無體隨所感而應誠祇奉靈科實存故事冀蒙巫福俯暨含生

延祥觀開啟 太皇太后本命道場青詞二道

伏以寶曆有詒躬躬實嗣獲承慈範仰荷神休方元命之在辰按舊儀而庀事庶蒙慶祐永錫壽祺

二

伏以聖功輔世已大濟於艱虞神道示人用寵綏於祉福敢因穀旦祇奉靈科冀大錫於壽祺得永承於慈範

崇先觀奉元殿開啓 皇太后本命靈寶道場

青詞

伏以克紹慶基實蒙慈訓邁茲元命若昔宗祈冀靈  
鑒之俯昭巫壽祺之永錫

靈籙內殿開啓 太皇太后生辰道場青詞

伏以壇席盛陳科儀肅設眷言慈痊祝此誕辰永綏  
壽考之祺上賴神靈之祐

靈籙內殿開啓 皇太后生辰道場青詞

伏以集黃冠之勝眾仰紫極之真游按用科儀營祈  
祉福仰求聰鑒俯應誠心

西太一宮開啓 皇太后生辰道場青詞

伏以真聖在天式序照臨之位眇冲嗣歷永惟顧復  
之恩敢因誕毓之辰祇薦熏修之事仰其眷祐俯察  
傾輸推純嘏以及親與羣生而均貺

龍圖閣開啓 皇太后生辰道場青詞

伏以妙善可依每俯從於誠悃至恩難報唯仰祝於  
壽祺祇奉靈科隆施淨供上賴監歆之力永綏顧復  
之慈

廣聖宮開啓 真宗皇帝忌辰道場青詞

伏以深追諱日祇奉靈科仰永神福之繁率用邦儀

之舊永惟道蔭昭此誠祈

福寧殿罷散三長月祝聖壽道場青詞

伏以順長羸之嘉月按齋被之靈科庶用熏修溥膺眷祐精衷以薦釐事既成仰賴聖真俯昭誠悃

福寧殿開啓三長月道場青詞

伏以降年有永實繇陰騭之功嗣歷無疆必謹靈承之志帥時典故若昔科儀仰賴監觀俯庇貺

福寧殿罷散三長月道場青詞

伏以監觀在上禳祝有儀祇率舊章仰祈少友惟休福俯逮烝黎

福寧殿開啓三長月道場青詞

伏以臯月紀時凱風應律罄齋精而上禱冀真聖之俯臨永賴監觀普坐庇祐敢忘寅畏仰荅顧歆

福寧殿罷散三長月道場青詞

伏以協用靈科宗祈永命惟神心之降格獲釐事之普成冀與羣元並膺遐福

福寧殿開啓南郊道場青詞

伏以欽崇宗祈為國大事前期齋禱舊典有稽仰冀靈明俯絜眷祐

新刻臨川王介甫先生文集卷四十五

新刻臨川王介甫先生文集卷四十六  
內制 青詞密詞祝文齋文  
景靈宮三殿看經堂開放中元節道場青詞  
伏以三元令節釐事有經祗薦潔誠宗祈祉福仰繫  
庇貺覃及庶黎

新刻臨川王介甫先生文集卷四十六

內制 青詞密詞祝文齋文

景靈宮三殿看經堂開放中元節道場青詞

伏以三元令節釐事有經祗薦潔誠宗祈祉福仰繫  
庇貺覃及庶黎

景靈宮保寧閣下元節道場青詞

伏以殊廷外建嘉節俯臨夙設靈壇蠲烝順祝冀蒙  
真聖坐祐羣黎

醴泉觀寧聖殿開放為民祈福保夏道場青詞

伏以聖真不冒品庶具依當蕃啟之盛時用熏修之

故事仰祈聰直俯鑒齋精溥巫庇祐之仁申錫壽康之福

醴泉觀寧聖殿開啟年交道場青詞

伏以像圖夙設壇席載嚴當此歲陰之交率時禳祝之舊仰惟庇貺俯逮黎元

集禧觀洪福殿開啟謝雨道場青詞

伏以旱暵成災懼物生之疵癘被齋以禱荷神睭之顧綏載闢靈場式陳昭報尚冀涵濡之施以終庇祐之仁

在京諸宮觀景靈宮等處祈雪青詞

伏以華歲幾終同雲未兆物將疵癘咎在眇沖敢罄齋精上求嘉應冀蒙貺施孚佑含生

謝晴青詞

伏以密雲作雨暘不時若蒙神賜祐菑沴用除奔走被齋以謝靈貺祀儀有秩不敢怠忘

坊州秋祭 聖祖大帝青詞

伏以祠城在望御館如存敢因擘斂之辰祗用吉蠲之薦冀蒙巫祐俯賜降歆

滄瀛州地震設醮青詞

伏以地德安靜震非其常陰陽厥愆以告咎罰禴禳

有典仰賴監歆所冀方隅具膺庇貺

二

伏以自河以北坤載不寧敷置淨筵以祈後福仰惟  
皇覺敷祐羣生監此齋精俯垂庇貺

北嶽廟爲定州地震開啟祭禱道場青詞

恭以地職特載靜惟其常今茲震搖以警不德涉河  
而北又用驚騷惟嶽有神芘綏厥壤被除祠館按用  
祈儀請命上靈冀蒙孚佑敢忘夤貢畏以蒼蒼歆

集禧觀開啟保夏祝 聖壽金錄道場密詞

伏以時在炎丞物方蕃祉卽祠庭之精闕竭清道之  
嚴祗仰冀監觀俯垂庇祐具綏福履申拜疾殃覃及  
羣黎永膺戩穀

崇先觀開啟保 夏祝 聖壽金錄道場密詞

伏以眷祐無疆重修 舊尚朱明之紀候祈蒼昊之  
垂仁申錫休嘉外覃 庶敢忘靈承之志永膺丕冒  
之恩

延福宮開啟 皇后生辰道場密詞

伏以統洽后宮協承先廟誕辰俯及釐事有常惟萬  
德之博臨冀百祥之永錫

延福宮開啟 皇太后生辰道場密詞

玉階川文集 卷四十六  
伏以協承寶命恩維拊育之深俯應羣情法有摠持  
之茲齋場夙設慶事備終劫 祈西竺之威神永佑東  
朝之福履

金明池開啟謝雨道場密詞

伏以恭啟在時蘊隆為虛罄齋精而上禱蒙膏潤之  
旁流祗報靈休式陳淨供尚祈終賜無使後艱

興國寺開先殿奏告 太祖皇帝 孝明皇后

祝文

伏以像設有嚴神游所御瞻永冠而如在懼風雨之  
弗除疋事將與消辰既吉永賴靈明之鑒俯昭怵惕  
之懷

西京應天禪院奏告 太祖 太宗 眞宗皇帝

帝御容祝文 告遷奉安還本殿之意

伏以殊庭有血館御如存吉日既蠲繕修惟謹式陳  
嘉薦以妥明靈

啟聖院永隆殿奏告 太宗皇帝 元德皇后

祝文

伏以威神所感營繕有期考禮舊章宜時潔告茂惟  
靈德俯鑒至懷

太廟八室奉慈諸廟奏告南郊等處祝文



三朝川文集 卷四十六  
伏以三歲一郊實昭大報前期潔告國有故常侷翼  
靈明俯垂鑒祐

諸皇后陵奏告謝南郊禮畢祝文

伏以禋饗郊宮國之重事唯蒙慈庇以獲休成筴祝  
有經敢忘用舊

景靈宮英德殿奉安 英宗皇帝御容祝文

伏以先聖舊祠祖宗所御嗣興寶構追奉靈游諏日  
既嘉具儀以妥祖惟在 永保厥寧

天章閣延昌殿權 奉安 英宗皇帝御容祝文

伏以相名山於洛宅既 允寢園倣原廟於漢儀將遷  
館御潔除秘宇嚴奉睟容冀靈躋 永安副衷情之  
罔極

西京應天禪院圻修 太祖 御殿祭告祝文

廟刹有嚴威神所御將改新於寶 永欽奉於睟容  
仰冀靈明俯垂鑒祐

景靈宮修葺 英宗皇帝神御殿上梁祭告太

歲已下諸神祝文

伏以欽奉僊游肇營寶構舉修梁而揆日具蠲簡以  
寧神祓此後艱仰繫大祐

慈孝寺崇貞彰德殿爲經靈 甬壘春脫落奏告

祝文

伏以雨淫告災垣屋或壞惟神所御有圮弗支諏用靈辰改新厥構蠲爲祗薦於禮有常

太廟后廟奉慈廟雅飾告祝文

伏以三歲一郊祖宗成法靈明所御繪飾有時方此儻工禮當潔告

西太一宮立秋祝文

伏以候火旣流占灰南應真游所御靈時具存率循舊章作薦常事仰祈錫福大莝含生

中太一宮立冬祝文

伏以館御國郊庇貺天物祠宮筴祝在禮有禮消選吉時作薦常事敢祈孚祐施及羣黎

九宮貴神祝文

伏以十用靈辰躬修禋享清壇所兆潔告有常

景靈宮里域真官祝文

伏以宗祈陽郊祗見神祖葆茲淨域夙賴真靈祗率舊章式陳嘉薦

天地社稷宮觀等處祈晴青詞祝文

積陰爲沴淫雨弗止蕩決漂墊將爲民菑懼德不類以干咎罰是用齋被宗祈明靈冀蒙坐矜遂獲開霽

休嘉之錫實被含生宗祚明靈靈與靈坐令靈靈開靈  
五嶽四瀆諸廟祈晴祝文

淫雨弗止將為民菑懼德不孚以維咎罰是用奔走  
禱于明神惟神監觀惠以時暘非民獨蒙嘉福神亦  
永有休亨

定州北嶽為地震祭禱祝文

伏以自河以北陽出鎮陰人用不寧咎由菲德永惟  
聰直庇祐一方祗飭使人齋精以禱尚蒙歆鑒無有  
後艱

文德殿告遷 御容祝文

伏以綬冠卽事喪紀有終黼座厥神哀懷靡極度新  
宮而館御諏吉日以徂遷式冀靈明永歆豐潔

南郊青城綵內畢功大殿上開啟保安祝壽諷  
孔雀明王經齋

伏以祀兆方嚴齋場夙設實延淨眾開誦梵文既蒙  
大施之仁助錫丕平之福

南郊青城綵內畢功大殿上開啟保安祝壽諷  
法華經齋

伏以惟宮既具皇邸將臨發誦秘文施其景福仰惟  
覺慈之覆俯綏禋享之成

五臺開啟南郊禮畢道場齋文

伏以靈承在上懼休命之難 大報于郊惟盛儀之獲 祇循故事恪報厥成仰賴顧歆終垂庇貺

內中延福宮性智殿開啟 太皇太后生辰道

場齋文

伏以大陰協兆良月御時猥以眇躬獲承慈範敢因 穀旦祇集勝緣實等慈具綏景福

十月一日永昭陵下宮開啟資薦 仁宗皇帝

道場齋文

伏以大明光藏上智之所發揮妙摠持門羣靈之所 歸賴歲陰逝矣陵闕超然憑淨眾以有祈冀真遊之 無礙

福寧殿開啟資薦 英宗皇帝道場齋文

伏以憑几之言未遠滌場之候更新摧慕安窮攀號 靡及旁招淨眾歸誠甘露之門仰祝靈游取證法雲 之地

中元節福寧殿水陸道場資薦 英宗皇帝道

場齋文

伏以正等上緣含生永賴薦龍施之淨供助宿植于 神游仰冀靈明俯昭哀懇

萬壽觀廣愛殿資薦

章惠皇太后忌辰道場

齋文

伏以諱日俯臨祠庭外闕遶東黃冠之衆宗祈紫極之神按用前科追營後福庶超升之莫禦緊庇貺之有加

大章閣延昌殿開啟權奉安

英宗皇帝御容

道場齋文

伏以翠旄所御玉色如存將改泣於清間少卽安於秘近旁招淨衆仰助勝緣憑妙覺之摠持冀皇靈之升濟

溫成皇后陵獻殿內開啟冬節道場齋文

伏以光靈所宅崇奉有儀因令節以熏修冀具乘之祈助仰希錫福俯逮含生

金明池上開啟祈雨粉壇道場齋文

伏以肅設祠壇宗祈解澤膏潤之祥甫兆赫炎之慶更深實恃靈明厚矜黎庶遂令沾足用格豐穰

金明池上開啟謝雨道場齋文

伏以常暘告罰將害染盛夙設靈場載祈膏澤神休既格昭報有儀尚惟孚佑之仁終保嘉生之享

龍圖天章寶文閣接續開啟祈雪道場齋文

王臨川文集卷四十一  
伏以歲序就窮尚愆嘉雪能仁應世閱此含生冀佑  
上靈錫之休證式陳淨供以告齋誠

泗州塔謝晴齋文

天蓄于民淫雨不止被除齋戒盆走以祈實蒙等慈  
俯應誠悃永惟庇貺其敢弭忘

後苑天王殿拆修了畢齋文

伏以擬辰居之奧密飭祆像之嚴威繕治告功被齋  
祈福庶憑至善永保多盤

新刻臨川王介甫先生文集卷四十七

內制 詔書

○○○ 勅榜交趾

卷九 十五

勅交州管內溪峒軍民官吏等眷惟安南世受王爵  
撫納之厚實自先朝含容厥愆以至今日而乃攻  
犯城邑殺傷吏民干國之紀刑茲無赦致天之討師  
則有名已差吏部員外郎充天章閣待制趙尚充安  
南道行營馬步軍都總管經略安撫招諭使兼廣南  
安撫使昭宣使嘉州防禦使入內內侍省都押班李  
憲充副使龍衛四廂都總管指揮使忠州刺史燕達

充副都總管順時興師水陸兼進天示助順已兆布  
新之祥人知悔亡咸懷敵愾之氣然王師所至弗迓  
克奔咨爾士庶久淪塗炭如能諭王內附率衆自歸  
爵祿賞賜當倍常科舊惡宿負一皆原滌乾德幼稚  
政非已出造廷之日待遇如初朕言不渝衆聽無惑  
比聞編戶極困誅求已戒使人具宣恩旨暴征橫賦  
到卽蠲除冀我一方永爲樂土

提轉考課勅詞 卷九十六

先王考績之次序雖見於經而其詳不傳於後世朕  
若稽古以修衆功而諸路刺舉之官未有以考其  
否比勅有司詳議厥制條奏來上詢謀悉同其使布  
宜以勵能者而擇左右可信之良使典治之古人有  
言徒善不足以爲政徒法不能以自行今朕有念功  
樂善之志焉而又繼之黜陟幽明之法以待天下之  
大吏矣然非夫任事之臣躬率以正而考慎其實與  
士大夫宣力于外者皆安于禮義而不以便文徼幸  
爲姦則朕之志豈能獨信於天下而法亦何恃以行  
哉咨爾在位其各悉力一心務祇新書以稱朕至誠  
惻怛之意

韓琦加恩制 卷十七

門下朕祗率舊章肇稱吉禮對越天地具獲靈圖之  
歆相維公卿並膺休顯之賜其母大號以寵元勳推  
誠保德崇仁守正協恭贊治亮節左運戴功臣淮南節  
度揚州管內觀察處置營田等使開府儀同三司守  
司徒檢校太師兼侍中行揚州大都督府長史上某  
國魏國公食邑一萬三千七百戶食實封五千戶韓  
琦躬受偉材出陪熙運保茲天子進無浮實之名正  
是國人退有顧言之行問朝廷之兩社稷方域之萬  
邦辰猷具臧器實加重中辭機軸之要外卽蕃屏之  
安衡統紘經備三公服飾之盛纛兜戟纛兼大將威  
儀之多序績旣崇修萬彌謹協成宗祈之禮與有顯  
助之勞肆衍本封申加美稱於戲恩典徽數所以旌  
帝臣明德茂功所以獎王室往惟勵翼服此衷嘉可  
特授依前守司徒檢校太師兼侍中行揚州大都督  
府長史魏國公充淮南節度揚州管內觀察處置營  
田等使加食邑七百戶食實封四百戶仍賜推誠保  
德崇仁守正協恭贊治亮節佐運翊戴功臣散官勳  
如故主者施行

李璋加恩制 卷十八

門下朕若昔大猷紹天明命必有獻享之禮作民恭



先必有褒嘉之恩自國貴始翊衛功臣奉寧軍節度  
鄭州管內觀察處置河堤等使光祿大夫檢校司空  
使持節鄭州諸軍事鄭州刺史兼御史大夫上柱國  
平原郡開國公食邑四千三百戶食實封一千戶李  
璋世載忠善躬服儉勤以后家之洪支爲帝室之隆  
棟入總管衛則兵師無譁出兼蕃維則吏屬不怠近  
付京都之籥外更方鎮之旄貢職惟修祀儀獲考進  
加功號申衍邑封以疇服采之勤其協勸勞之典於  
戲貴富有危溢之可戒祿位匪侈驕之與期圖惟慶  
譽之終尚協龍光之施可特授依前檢校司空使持  
節鄭州諸軍事鄭州刺史兼御史大夫充奉寧軍節  
度鄭州管內觀察處置等使加食邑七百戶仍賜翊  
衛忠果功臣散官勲封如故王者施行

皇伯祖威德軍節度使榮國公承亮加恩制

門下朕裸獻廟室燎禋郊丘內蒙祖考之居歆外獲  
神祇之顧饗嘉我近屬與有陪輔之勞揚於大庭使  
膺褒顯之福具官某德義自表爵齒兼尊魁然肅艾  
之材尚矣神靈之胄世承厥慶有跗萼之芬華朝賴  
以寧若翰蕃之嚴密乃相肆祀實綏思成進加奠食  
之封申錫詔功之號於戲孝恭可以儀宗室信厚可

以化邦人匪時親賢孰朕承翼往肩寵獎尚協榮懷  
可

李日尊加恩制

門下朕紹膺駿命稽用上儀祇事郊宮並受三神之  
福推恩方夏外交四表之歡告于有司錫是在服推  
誠保節同德守正順化翊戴功臣靜海軍節度觀察  
處置等使同中書門下平章事李日尊躬懷德善世  
濟忠勤奠茲南邦居有扞城之效衛我中國使無疆  
場之虞賜之大將之旄旌之真王之爵往踐厥位知  
欣戴於寵章來獻其琛用協成於熙事陪敦采邑褒  
進文階載加真食之封式允懋功之典於戲人之所  
助惟怙冒於王靈國以永存顧循守於侯度率時新  
命保乃舊邦可

馮翊郡君連氏等賀 皇帝南郊禮畢表

伏以廟饗蠲烝郊柴昭報仰格神靈之饗俯均夷夏  
之歡中賀伏惟 皇帝陛下道協欽明德兼神武攬  
御今之皇策考嚴上之帝儀稜威盛容茂實存平六  
世恩典微數賚并及於萬方妾備數先朝叨榮中宗  
親逢累洽竊用交欣妾無任

德妃苗氏上賀 皇帝南郊禮畢表

伏以靈承廟祏祗載郊丘既來萬國之歡遂格三靈  
之祐中賀恭惟皇帝陛下徇齊成性睿廣膺期神

罔時恫方紹休於大業聖爲能饗乃獲考於上儀妾  
逮侍先朝親逢盛事觀瞻有煒欣賴實多妾無任

賜太子太傅致仕梁適太子太師致仕張昇特  
赴闕南郊陪位詔

朕肇稱圭幣祗見郊宮嘉得萬國之歡心以承配天  
之大事永念元老著勲先朝當與辟公序乎祠位

冀能顯相綏我休成可發來赴闕南郊陪位故茲詔  
示想宜知悉

賜允太子太傅致仕梁適陳乞不赴南郊陪位  
詔

勅梁適省所上表遞到詔書一道令臣赴闕陪位者  
臣以久病不獲奔走前去事具悉朕肅將圭幣祗見  
郊丘嘉與舊臣協承熙事乃聞疾疾旅力尚愆優老  
寵賢義誠難強

賜允太子太師致仕張昇不赴南郊陪位詔

勅張昇郊丘大事群辟具來舊老元勲所宜顯相乃  
以疾苦惻於朕心尚慎與居以膺康福

賜宣徽北院使判大名府王拱辰乞南郊赴闕

不允詔

勅拱辰朕嗣命典神肇稱吉禮稽循故事不敢愆忘卿既率貢職以來助祭又求入覲陪侍郊宮緬彼都畿方須鎮撫永惟重寄難徇至懷

賜允守司徒兼檢校太師兼侍中韓琦乞相州詔

勅韓琦卿以公師之官將相之位統臨四路屏扞一方寄重任隆群臣莫比雖罹疾冀卽有廖而章書頻頻來以病告宗工元老視遇有加恩禮之間然何敢薄重違懇惻姑卽便安

賜守司徒兼檢校太師兼侍中判永興軍韓琦再乞相州詔

卿當國家之多難任社稷之至憂實能忠勤以濟勲績方均逸豫適此外虞煩我元功良非得已亦惟體國義不辭勞今雖尚謀經武之時非有蒐兵伐罪之事坐臨諸帥固可優游何必舊邦乃能休養勉綏居息以副倚毗

賜守司徒檢校太師兼侍中韓琦詔

便道之鎮朝廷故常來朝京師朕意所欲使事曲折既當聞知忠言嘉謨又所饑渴雖知勤勤可不勉哉

賜韓琦依所乞詔

勅韓琦奏乞由河陰本路赴相州安泊骨肉行李訖徑乘遞馬赴闕朝見奏事訖還赴本任稍從私便事具悉舊德元功久於方面嘉言謹論所欲亟聞其來造朝然後之鎮義當黽勉無或告勞

賜守司徒檢校太師兼侍中判永興軍韓琦乞相州舊任不允詔三道

勅韓琦卿明德茂勲具書帝籍祖考所付以屏毗朕躬比辭國均已會邊隙故煩元老屬此憂勤今羌雖來柔疆事多弛經營科治改命爲難莫府坐籌制其大略雖聞稍憊冀可少安義有固然朕言無戲

二

勅韓琦羌夷變態未易究知邊塞繕完所宜申飭以卿望實分朕顧憂當并羣策以有爲遂措一方於無事乃來告疾冀得燕閒主爾忘身忠賢之義勉膺重寄務體至懷

三

勅韓琦卿茂德儁功朝廷所賴方解政幾之劇重分疆事之憂種落綏和酋渠嚮順永惟邊鎮猶恃老成所須經武之遠謀及此暇時而備豫當思體國無却

告勞

賜守司徒檢校太師兼侍中判永興軍韓琦乞致仕不允詔

勅韓琦朕初嗣位不敢暇逸惟畏天命亦惟閔民蠢茲一方尚戒羌夷制變備豫扞蓄禦侮庶幾元老克協朕心若其憚勤誰與謀此勉祗厥服用副至懷

賜判承興軍韓琦湯藥詔

勅韓琦任隆三事寄重一方比聞經制之勞或爽節宣之序特馳使傳往喻朕懷宜有分頒以資衛養

賜允觀文殿學士尚書左僕射新除集禧觀使

富弼辭免乞判汝州詔

卿翊朕祖考功施于時德善在躬終始如一祠庭置使實近闕門邦有大疑庶幾求助忠賢體國義乃可留而引喻再三便於出守重違懇惻姑卽所安故茲

詔示想宜知悉

賜判汝州富弼乞致仕不允詔 卷九 七

勅富弼卿忠純亮直為國元老朕所恃賴急於典刑優游小邦足以養疾冀綏福履來副詢謀何必言歸以孤眷矚

賜判汝州富弼乞假養疾詔

王臨川文集卷四十七  
眷我元老數更悲傷比飭使人往宣至意乃觀來論  
未卽康寧姑順誠懷勉綏吉祿

○賜判汝州富弼乞赴安州避災養疾詔卷九六

比飭使人具宣至意就令賜告冀遂寧瘳卿嚴祇朕  
命不敢違息顧念吏卒閱其滯留觸熱載馳用忘勤  
勩恭以事上卿實有之仁及賤微又能如此忠誠所  
惻豈獨朕心從容小邦姑以養福勉綏吉祿毋恤後  
艱故茲詔示想宜知悉

賜判汝州富弼赴闕詔二道

勅富弼卿中解政機外分符守久於窮僻衛養或愆  
優游京師可以治疾謂當趣駕以副虛懷

二

勅富弼久解政機存分符守元功茂德朕所注心渴  
聞嘉猷以輔不逮

賜富弼赴闕并茶藥詔

勅富弼適自州藩來還朝位眷馳驅之良苦懼衛養  
之或愆當有寵頒以昭勤佇

賜判汝州富弼辭免南郊禮畢支賜詔

勅富弼省所奏免南郊支賜受釐于神資及蠻貊卿  
勲德兼茂中外具瞻恩典所加當先羣辟區區一賜





非告老之時而勲在受遺之籍不留屏輔人謂斯何姑體至懷少安厥位

賜知亳州歐陽修陳乞致仕第二表不允詔

勅修卿勲德之舊簡在帝心從容一州足以休養而抗奏至於四五必以田里為歸豈朕視遇故老有不足於禮乎何其求去之果也欲喻至意莫知所言惟

能勉留實副勤佇

○ ○ 賜知亳州歐陽修第三表并劄子陳乞致仕不

允詔 卷九九

勅修省所上表并劄子奏乞致仕事具悉卿翊戴

三朝清明諒直有言有績著在朕心重違勤求外寄藩屏邦之雋老不以遐遺所冀輸誠常存帝室而納祿與職至于再三雖潔身之風可激貪冒顧許國之義未協忠嘉姑體眷懷勉膺圖任所請宜不允

賜觀文殿學士兵部尚書歐陽修辭知青州不

允詔二道

勅修海岱名都太公舊履鎮撫一路朕難其材卿實元勲以忠許國謂當亟往臥以治之冀能優游寧此東土

二

勅修卿純誠直諒中外所知辭祿就閑志非有激進  
官治劇義乃無嫌矧茲東州可以居息方之守毫勞  
逸殆均朕命惟行謂當徼往

賜荅曾公亮詔

昔哉變異以戒人君推之股肱朕所不取元勲舊德  
實賴交修譴告之來必緣象類明喻朕志使當天心  
庶幾君臣並受遐福不務出此而果於辭讓是惟保  
身豈曰謀國

賜張方平免特支請俸詔

勅方平省所奏劄子陳免特支請俸事具悉卿躬肅  
艾之材豫辯章之論致喪無貳雖非謀國之時班祿  
有差是乃養賢之意抗言來諗引義甚明重懿素懷  
姑循近制

賜樞密副使右諫議大夫邵亢乞郡詔

勅邵亢卿先帝所命以翊朕躬升執事樞方觀勲效  
遽欲辭位殆非所宜衛養少愆何憂不已勉其厥服  
思協朕心

賜皇伯新除彰化軍節度觀察留後安定郡王

從式乞免新命不允詔

勅從式卿躬雋乂之材出神明之胄選於宗室則屬

近而行尊聞在朝廷又年高而德邵膺茲褒顯人以  
為宜勉服官封永綏吉祿

賜涇原路經略使蔡挺茶藥詔

卿方用時材出分帥路適茲寒苦良已勤勞特推撫  
賜之恩以示眷懷之意

賜天章閣待制知渭州蔡廷獎諭詔

封疆之虞責在將帥厥有績效不忘于心卿久以才  
稱外分方任乘機踐事能兆厥謀板築告功于疆就  
募保彼居園可無後憂倚言若茲朕所嘉歎

○詔獎諭唐州光祿卿高賦獎諭詔卷九十二

召杜南陽世稱循吏其亡久矣朕尚思之卿招懷饑  
流墾闢荒梗繕修陂竭績効具昭前人之良何以逮  
此閱奏歎美不忘于心

勅齊恢省所奏據大理寺日奏司狀四月一日已前

下寺公案並已斷絕無見在事具悉卿以才被選典

頌祥刑蔽罪讞疑遂無留獄囹圄空之隆朕庶幾焉閱

奏歎嘉不忘乃績

又賜知審刑院齊恢獎諭詔

勅齊恢行獄之留易以為戒卿躬有美行服在近班

勅齊恢臨川王介甫先生文集卷四十七

近蒙詔川王介甫先生文集卷四十八

為官勉服官封不絕吉

賜涇原路經略使蔡挺奏

卿方用時材出分帥路通茲寒苦良已勤少特推撫

賜之恩以示格懷之意

賜天章閣待制知渭州蔡挺獎諭詔

賜之之恩以示格懷之意

我閱奏獲美不忘于心

派舉關隴荒賦善於如賦餘較具部前人之身同以

否其南恩其蘇其吏其士入矣知尚思之爾

新刻臨川王介甫先生文集卷四十八

內制 語書 批答 口宣

賜天章閣待制知審刑院齊恢獎諭詔

勅齊恢省所奏據大理寺日奏司狀四月一日已前

下寺公案並已斷絕無見在事具悉卿以才被選與

領祥刑蔽罪讞疑遂無留獄圍空之隆朕庶幾焉閱

奏歎嘉不忘乃績

又賜知審刑院齊恢獎諭詔

勅齊恢犴獄之留易以為戒卿躬有美行服在近班

典茲祥刑致用明慎濟之敏給廷讞用空吏稱厥官

朕心所喜

賜勅獎諭審刑院詳議官大理寺詳斷官等

卷九十一

初趙文昌等省知審刑院齊恢奏據大理寺日奏司狀四月一日已前下寺公案並已斷絕無見在事朕初嗣服德化未孚永念元元多罹犴獄汝等並膺選推任在讞疑能勵厥官以無留事覽奏歎尚不忘于世懷

又賜獎諭審刑院詳議官大理寺詳斷官等

勅趙文昌等四方罪獄常患稽留豈唯呼嗟或以吏官汝等能勤且敏論讞用單閱奏念勞朕心以喜

賜勅獎諭權大理寺少卿蔡冠卿

卷九十一

初蔡冠卿省知審刑院齊恢奏據大理寺日奏司狀四月一日已前下寺公案並已斷絕無見在天下之獄決於大理汝能審克不蔽厥成來讞之疑遂無留者惟明以敏朕實汝嘉

賜特放諫議大夫知潭州燕度待罪詔

卷九十三

卿受命方隅助宣德化姦凶弗率乃觸大誅引慝自歸謂當譴黜萬方有罪責在朕躬雖爾長民豈專任此

賜外任臣寮進奉功德疏

玉函川文集卷四十八  
卿方以時材外分邦寄備修禧事來會誕辰廣伽梵  
之勝緣協華封之善意載惟勤至良用歎嘉

賜特放知成德軍韓贄待罪詔

夫婦相殘政之大恥引愆自効於義爲宜然德化之  
美厥成在久任斯責者豈特長然

賜特放懷州傅卞待罪詔

勅傅卞先王教民長幼有序厥或不率歸之義刑卿  
受任方州罪人旣得閔斯弗迪引責在躬美俗之成  
蓋非朝夕一夫抵冒未足以言

賜答德妃苗氏賀南郊禮畢詔

勅德妃苗氏列職內官逮承先帝祀儀獲考慶慰  
均比覽奏陳具昭誠意

賜答修儀楊氏等馮翊郡君連氏等賀南郊禮  
畢詔

勅修儀楊氏舊繇德選列職禁闈釐事之成實均慶  
賴摛文贊喜良慰朕心

賜大遼賀正旦人使茶藥詔

勅卿以膚使之才將善鄰之禮川塗悠遠風氣沍寒  
永念馳驅當加勞賜

賜大遼賀正旦副使茶藥詔

勅卿夙駕使車遠將信幣方茲寒凜固已勤勞宜由  
諭於至懷仍就加於寵錫

賜大遼皇太后賀正旦人使茶藥詔  
勅卿奉將書幣更涉川途方茲沍寒久於勤勩宜加  
勞賜以示眷存

賜大遼皇太后賀正旦副使茶藥詔  
勅卿將幣造朝方申舊好建旌取道適會初寒永惟  
跋涉之勞當有匪頒之寵

皇帝問候大遼皇帝書  
嘉生備舍華歲幾終惟素講於鄰懽想具膺於時福  
彌加葆衛永御吉康

皇帝賀大遼皇太后生辰書

玉燭告和方御閉藏之候椒庭集慶載臨誕毓之辰  
具飭使車肅將禮幣式修舊好申祝永年

賜南平王李日尊加恩告勅書

勅南平王日尊朕躬執圭幣禮成郊丘無有遠邇並  
膺休福卿鎮撫南服功昭于時乃眷忠勤尚加褒顯  
永肩臣節茂對寵章

賜溪洞知將州田元宗等遣奉助南郊并賀冬  
賀正勅書

勅田元宗附綬種落葆衛疆陲能來獻琛以贊釐享  
忠勤之意良有可嘉

賜占城蕃王楊卜尸利律陀般摩提婆勅書

勅卿世荷百祿躬有一邦雖道阻荒遐而志存欽順  
具書遣使航海獻琛載念忠勤豈忘歎尚因加褒賜  
式示眷懷

批答文武百寮曾公亮已下上 尊號第一表

不允 卷九一

朕以薄德嗣膺基緒繼天理物常懼弗任方賴交修  
以熙衆治羣公卿士外暨庶黎欲舉鴻名措之勳績  
臣民歸美爲義則多揣實揆時朕猶不取

批答文武百寮曾公亮已下上 尊號第二表

不允 卷九二

王者奉元以先後天時憲道以始終人事以文制禮  
作樂以武戢兵豐財以成萬物之性爲仁以得四海  
之心爲孝惟聖時克朕無能焉被之此名祇有慙德  
矧家多難創鉅未夷備章而郊欲止不敢因自尊顯  
良非本懷

批答宰臣曾公亮已下賀壽星見 卷九三

省表具之乾象粲然官古以告壽祺之應於傳有稽



卿等寅亮帝工阜成邦采摛文告慶歸福朕躬書瑞  
史篇已循故事星隆晷德尚賴交修

批答樞密使文彥博等賀壽星見

省表具之穹旻見象以告壽昌嘉興臣民並膺茲福  
卿等進繇德選登翊事樞敷奏兆祥請書史策忠嘉  
之意朕所不忘

批答富弼

卿有憂國愛君之心而忠以忘乎已有經邦信時之  
業而用未究其能夫蓄久而積博者施之無窮慮深  
而計熟則謀無不獲此朕所以有望於卿也矧卿正  
直不回姦邪素忌小人所異君子所同是以在外十  
年而左右之譽弗及處躬一德而縉紳之望愈隆朕  
內度于心外詢于衆自謂有得卿其何辭

批答不允皇伯祖威德軍節度使榮國公承亮  
辭免 恩命第一表

卿相予祠事既獲休成膺國寵章所宜祇受苟爲謙  
避未協眷懷

批答不允承亮辭免 恩命第二表仍斷來章

卿位重朝廷望隆宗室駿奔郊廟助朕休戚受錫爲  
宜可無確避

批答不允承亮辭免

省表具之受釐于神人與有慶矧惟近屬德齒兼尊  
膺此褒嘉於此爲稱往其祇命以副眷懷

批答不允承亮辭免

省表具之古者賑膳之福與同姓共之矧茲大賚外  
及蠻貊爲吾近屬相協休成恩典所加豈容固避

批答樞密副使韓絳邵亢知樞密院事陳升之  
等辭免 恩命仍斷來章

省表具之祭有惠術賚及庶黎矧吾政事之臣當在  
褒揚之首膺斯恩典於體爲宜毋或終辭以勤訓告

批答韓絳邵亢陳升之等辭 恩命不允仍斷

來章

卿等位爲臣宗躬相祠事膺斯褒顯於體爲宜往服  
寵章可無謙避

宣答文武百寮稱賀宣德門肆赦

有制朕升煙泰時登就吉儀駐蹕端門布宣惠澤臣  
鄰協豫黎庶交欣賴天之休與卿等內外同慶

宣答文武百寮稱賀南郊禮畢

有制朕裸獻清廟燎禋泰壇協相祀儀旣嘉勤績旅  
陳賀禮彌見歡誠賴天之休與卿等內外同慶

宣答樞密使以下賀南郊禮畢

有制朕親稱幣玉祇見郊宮能底熙成實繇顯相羣靈率籲黎獻交欣朕賴天之休與卿等內外同慶

賜皇伯祖東平郡王允弼生日口宣

有勅卿齒尊德茂屬近位崇惟時獻歲之期實兆元精之慶當加好賜以助燕私

賜皇伯祖威德軍節度使榮國公承亮加恩口

宣

有勅朕躬率百辟褒封萬靈乃眷親賢實陪大事當懋寵嘉之數以昭褒錫之恩

賜皇弟岐王顥生日禮物口宣

有勅卿地親魯衛德茂間平方誕毓之嘉辰有匪頌之故事當馳膚使往喻隆恩

賜皇弟高密郡王生日禮物口宣

有勅卿德名方邵爵寵兼崇誕毓之辰甫當穀旦匪頒之禮式示至恩

賜淮南節度使守司徒兼侍中判相州韓琦加

恩口宣

有勅卿位高朝廷德茂百辟相予釐事厥有成勞膺國寵章是爲常典

賜判永興軍韓琦生日禮物口宣

有勅卿位重將旄望隆宰席方懋蕃官之績載臨誕毓之辰當有匪頒以昭眷遇

賜樞密使西川節度使守司空兼侍中文彥博生日差內臣賜羊酒米麵等口宣

有勅卿明謨經國碩望冠朝方茲誕育之辰宜有燕私之禮當加賜賚以示眷懷

賜文彥博生日差男押賜生日禮物口宣

有勅卿才隆國棟位極臣宗惟時盈月之良實兆元精之慶載臨穀旦當致異恩

賜樞密使呂公弼生日禮物口宣

有勅卿爲皇世臣掌國幾命門弧告慶是謂嘉時臺餽致恩式昭厚遇

賜觀文殿大學士尚書左僕射富弼赴闕茶藥口宣

有勅卿久辭劇位外寄方召節之旣嚴想朝旂之甚邇宜頒珍劑以喻至

賜觀文殿大學士尚書左僕射富弼湯藥并賜詔口宣

有勅卿屏翰元功台衡舊德數更悲釁有惻朕心因

王臣川文集 卷四十一  
諭至懷宜頒珍劑

賜觀文殿學士刑部尚書知大名府陳升之赴闕朝見并賜茶藥口宣

有勅卿擁節過都破關請覲方茲炎溽固已勤勞當有匪頒以資輔養

賜觀文殿大學士尚書左僕射判汝州富弼加恩口宣

有勅卿望隆時棟德茂臣宗方茲釐事之成爰有命書之賜往膺褒顯當體眷懷

撫問判永興軍韓琦口宣

有勅卿內辭鼎軸出撫方垂載惟莅事之勤宜察音神之福特申勞問以示眷懷

撫問觀文殿學士陳升之兼賜夏藥口宣

有勅卿久叅台路方部將符輯瑞之來虛懷以竚宜加勞賜式示眷存

撫問鄜延路臣寮口宣

有勅卿等並膺廷選外寄邊虞永念撫循備更勞動方茲妍暖宜各寧安

撫問延州沿邊臣寮口宣

有勅卿等並因材選外寄邊虞方履盛秋想膺多福

王臨川文集 卷四十八  
特申撫喻當體顧懷

撫問河北西路臣寮兼賜夏藥口宣

有勅卿等時方鬱蒸氣或疵癘永惟黎獻方寄外憂當有分頒以助調養

撫問并代州路臣寮將校口宣

有勅卿等方以材能外分寄屬當此沍寒之極永惟勞勩之多當飭使人往宣朕意

撫問高陽關路倭散諸軍特支銀鞋錢并傳宣

撫問臣寮口宣示眷懷

有勅卿等各以選掄外膺寄屬北更時序邈在邊防永懷扞禦之勞當致拊循之意

撫問送伴大遼賀正旦人使副沿路相逢賀大

遼皇太后皇帝生辰使副口宣

有勅卿等抗旌出聘擁傳還朝方春尚寒涉道良苦當加撫勞以示眷懷

撫問雄州白溝驛使北朝賀正旦人使御筵口

宣

有勅卿等並膺朝選實構鄰歡擁節在疆方豫稱觴之禮馳軺喻指姑推折俎之恩

賜大遼國賀正旦人使已下生餼口宣

有勅卿等奉將鄰聘來會歲元永懷跋涉之勞宜有  
餼牽之禮式昭勤遇當體誠懷

賜大遼國賀正旦人使却迴瀛洲御筵口宣  
有勅卿等奉將書幣既獲驩成跋涉川途固更勤勤  
宜頒燕衍以示眷懷

賜大遼國賀正旦人使見訖就驛使酒果口宣  
有勅卿等奉將鄰聘夙駕使輶既造見於闕庭方卽  
安於舍館宜加好賜以致誠懷

北京賜大遼賀正旦人使却迴御筵口宣  
有勅卿等奉幣造朝抗旌歸國紆懷使節方次都畿  
特示燕私以將勤遇

雄州賜大遼賀同天節人使却迴御筵兼撫問  
口宣

有勅卿等抗旌歸國總轡在疆方茲炎歊亦旣勤勤  
就頒燕衍式示眷懷

就驛賜大遼賀同天節人使却迴朝辭訖酒果  
口宣

有勅卿等奉將聘禮來會誕期惟鄰好之踐修嘉使  
容之飭備當申頒賚以侑燕私

賜真定府路臣寮等初冬衣襖口宣

有勅卿等水澤將堅風颺載厲永懷黎獻方寄外憂當飭使輶就頒篋服

賜召學士馮京入院口宣

有勅卿文備國華學該世務祥琴旣御吉服以朝宜復禁塗往供辭職

賜召滕甫入院口宣

有勅卿夙稱才敏久擅文華當解風憲之嚴以豫論思之密

新刻臨川王介甫先生文集卷四十九

外制

節度使嘉宣徽使制

○○○ 卷十五

門下推轂授師擁旄乘塞擅生殺之柄于外繫安危之體于中厥有顯庸宜膺寵數誕揚孚號明示庶工具官某學足以通大方謀足以斷眾事有經天之業有扞城之材比以明揚屢更煩使遂躋膺仕良副訐謨維塞路之要藩實兵防之重寄職爾鎮撫紓予顧憂蓋爵賞之加不遺於近小豈藩維之任顧可以弭忘用是疇其展案之勞寵以宣猷之號繫謀人之衆



允匪朕志之汝私夫任重者其憂不可以不深位高者其責不可以不厚號名之美禮秩之崇非期假寵以擅榮茲用論功而取稱矧夫守國之圉謀王之師聯輔相之籍於殿中居士民之瞻於天下其思祇慎以副褒優可

翰林學士除三司使制 卷十六

勅三司使天下之盛選也自尚書六官名存實去而三司之職事所總居多則非夫仁明肅艾足以輔世濟物者奚宜任此哉具官某有疏通之才有直亮之操閱言崇議足以經綸王家高文典策足以鼓動當世遂以人望揚于禁林若夫施政之後先生財之本末蓋嘗深思而熟講殫見而洽聞則居天下之盛選主朝廷之大計詢考在位孰如汝宜夫聚天下之衆者莫如財理天下之財者莫如法守天下之法者莫如吏維予任汝其聽勿疑法之不善者汝得以議而更吏之不良者汝得以察而去則夫調度之不時費出之無常邦用之不給元元困於征求而愁怨於下者直汝之耻也夫行已有耻而後可以爲士矧吾左右信任詢謀所同而觀聽之所在者乎往祗厥官其亡以寵利而爲士耻可

○○○誠勵諸道轉運使經畫財利寬恤民力制卷九十七

夫閔仁百姓而無奪其時無侵其財無耗其力使其無憾於衣食而有以養生喪死此禮義廉耻之所興而二帝三王誠勅百工諸侯之所先後世不可以忽者也朕夙興夜寐聽治不怠國游官室之觀無所增飾而躬以節儉先天下之士然而不忍人之政考諸先王未有以及之也凶年饑歲民之父子夫婦猶有不得保其家室而放乎溝壑意者吏或不良不知所以賑救省憂之方而使之至此耶今吾別諸道置使者使得察吏之良否而視民之疾苦輒具以言而任事者或不惟朕志之所急而以侵牟之為故甚非所以遣使者慰安元元之意也夫轉輸天下之財以給有司之費皆有常數而無橫求誠能御輕重嚴敬之權而禁因緣之姦則何患乎經入之不足彼前世良吏能紓其民而官事亦不耗廢者豈有他哉亦在乎勉之而已若乃操聚斂之贏以為功而不知百姓與足之義非惟逆於朕志而有司考績之法亦將不汝容焉朕言維服其聽毋怠可

○○○皇姪右衛大將軍岳州團練使宗實可起復舊

官泰州防禦使知宗正寺制卷十二

勅先生糾合宗族而分職以治之所以嚴宗廟也宗廟嚴則禮俗成而天下治其事豈可以輕哉今朕選於近屬以修宗正之官亦先王治親之意也以爾具官某惠仁孝恭忠信純篤故遷厥位以稱禦侮之實而使任事焉夫士之欲施於政未有不學而能者學所以修身也身修則無不治矣朕言維服爾往懋哉可

皇姪右衛大將軍秦州防禦使知宗正寺宗實可岳州刺史充本州團練使制

勅孝子之思慕無窮而送終有既者先王之禮也具官某禮懃克孝能良於喪去位家居二年於此矣其還位號復序內朝朕命維新往欽無斁可

起居舍人直祕閣同修起居注司馬光知制誥制卷十四

勅先王誥命之文何其雅馴而與美雖出命非有司之事而討論潤色蓋有助焉以爾具官某操行修潔博知經術庶乎能以所學施於訓辭俾掌贊書往諧朕志可

起居舍人直祕閣同修起居注司馬光改天章

閣待制制卷十五

勅楊雄曰周之士也貴秦之士也賤周之士也肆秦之士也拘蓋先王以禮讓爲國士之有爲有守得伸其志而在上不敢以勢加焉朕率是道以君多士以爾具官某文學行治有稱于時故明試以言使司告命而乃固執辭讓至于八九改序厥職以伸爾志是亦高選往其懋哉可

翰林侍讀學士右正言馮京改翰林學士知制誥權知開封府制

卷十九

勅學士職親地顯而開封典治京師非夫忠厚仁恕而有文學政事之能孰可以任此具官某造行直方受材博敏踐更中外休顯有稱論思禁林尹正畿甸詢謀惟允其往懋哉可

范鎮加修撰制

卷十一

勅昔周人藏上古之書以爲大訓而孔子春秋天子之事也蓋夫討論一代之善惡而撰次以法度之文章非夫通儒達才有識足以知先王不欺足以信後世則孰能託尚書春秋之義勒成大典而稱吾屬任之指乎以爾具官某有該通之材有純潔之操辯論深博溢於文辭論思禁林時議惟允則夫案善惡見聞之實斷是非去取之疑人之所難宜以命爾爾其

精思熟考自勉以古之良史毋襲近世比事屬辭之失使來者無所考稽可

右司諫趙抃禮部員外郎兼侍御史知雜事制勅某朕置御史以為耳目非更事久而能自稱職則不以知雜事也以爾嘗任言貴有猷有為行義之修士人所譽故遷郎位使在此官悉其誠心迪上視聽義之與比時乃顯哉可

○○屯田員外郎韓縝改殿中侍御史制卷十一四

勅某朕使學士五人舉二人以為御史又於二人擇取一人而以汝為之汝名臣之子世載榮問愷悌忠信學知大方無蔽于儉人無撓于大吏無迫上以非先王之典而同乎流俗時汝稱職往其勉哉可

○○兵部郎中沈立可依前官充省三司戶部判可制

勅某擅一道之財而開闔啟散之以給縣官之費而又察舉吏士之賢不肖問民之疾苦與夫入佐三司而四方之言利者必稽焉其職事之責等爾汝以才能屢試而行義加修使于東南歲月久矣還禪掌計之治可以慰將命之勞惟爾博學多聞固嘗知夫百姓與足之義古人有言曰尊其所聞則高明行其所知則光大矣可不勉哉可

度支負外郎充祕閣校理李大臨三司度支判

官制

勅某天下之食貨皆領於三司故朕常難於置使而  
又考慎其屬以稱之爾以文學為官而政事嘗有所  
試清明敏達可使治煩往踐厥官其知所守矣可

金部郎中朱壽隆三司鹽鐵判官制

勅某取於山海之無窮以助縣官之不給所以開闔  
斂散之不可以無術也非夫廉辨敏明之吏孰能任  
此者乎爾純行美材久於煩使往共厥服維是勉哉  
可

○○○ 度支負外郎李壽朋開封府推官制

勅某朕布大慶於天下惟士之有能有為而不獲盡  
者豈一日而忘哉爾以政事之材而濟之文學無所  
避憚以修厥官陷于吏議失職久矣尹正畿甸四方  
所瞻姑往佐之以永民譽可

殿中丞充集賢校理陸經開封府推官制

勅某天下無事休養生息百年於此而京師之人眾  
矣獨開封以一尹治之故朕常慎擇材士以為之佐  
庶幾乎其不勞而治也爾材茂質美久於湮阨而智  
能彌劭行義加修姑使治煩往其自勉可

太常博士充祕閣校理張洞開封府推官制

勅某開封任重事叢故常擇才士以為之佐爾以文章學問列職校讎出試一州風績彌劭膺此遴選往其勉哉可

左司諫王陶皇子伴讀制 卷十一

勅某自天子至於士未有不待學而成者今朕欲進諸子於學求可與居者而大臣以爾為言爾久在諫正有聞於世茲惟慎選可不勉哉可

樞密直學士施昌言知渭州制

勅夫出河祕文中嚴於禁閣臨渭分闡外肅於戎亭進陪侍從之聯往膺經略之寄茲為異數授受惟艱具官施某才劭兼人問望映世早據素瀆實膺清塗南榻討庭裨贊之功可紀西廂樞府論思之効尤彰洎出總於藩條且屢制於邊瑣事經異舉政績用成宜易餘杭之符就撫氏羌之塞爾其坐護諸將善固吾圉而今而後無西顧之憂者繫爾之力可不勉哉可

知制誥沈遘知杭州制

勅東南奧區杭越重鎮眷惟師帥之選屬于侍從之良宜有褒優式示毗倚具官某風姿爽拔器宇闔深

三陽川文集卷四十九  
早登高妙之科亟躋通顯之列校文東觀典學擅乎  
多聞演誥西垣英辭鼓乎辭動比杭章而請郡期調  
膳以奉親曾未暮年已聞報政乃就更於淮海庶益  
便於庭闈載念錢塘之邦方虛銅虎之守宜共易俗  
之命仍選應宿之資服我新恩寵爾故里與夫引會  
稽之紱又相萬也爾惟懋哉可

龍圖閣直學士知河陽李兌給事中依前龍圖  
閣直學士知鄧州制

勅鄧於京西爲一都會提兵以守常擇大吏且有加  
命寵榮其行具官某寬和靜深方厚篤實嘗由御史  
遂爲諫官延閣侍從之班方維帥守之任焯有績效  
見於事爲序于東省之華寄以南陽之重按撫吏士  
治軍牧民敷宣詔條鎮靖風俗繫汝能力徃其勉哉  
可

龍圖閣直學士李柬之刑部侍郎充集賢院學  
士判西京留守司御史臺制

勅古之仕者難進易退陵夷王於後世而禮義廉耻  
幾乎息恬於勢利者鮮矣而苟得躁進者不乏於朝  
教之未孚朕甚患之顧吾左右親近之臣行義合於  
古之仕者宜從其志使在位之貪者有愧而慕焉具



官某名臣之子能自修敕出備蕃桃之任入為侍從之官而乃力辭顯榮退就閑職別都執憲地清務簡特峻秋官之秩仍通麗正之班吾惟爾嘉其往居息

可古之

知雜王綽吏部郎中古龍圖閣知徐州制卷十二十五

勅某知雜御史於朝廷之士為高選非精明彊直不能稱其任也爾更踐多矣有聞於時故從遠方召置此位乃以病告至于再三出臨大州進直嚴閣又增郎位以寵爾行其亦懋哉往其厥服可

集賢校理鞠真卿可元祿寺丞依舊充集賢校

理知壽州制卷二十七

勅某付之千里之地能禁暴去悍拊循鰥寡使良民有以休息而吏不敢為侵克豈非所謂能者哉若爾之材歷選于朝而久試于外固時之所謂能者朕所加省而不忘今夫壽劇郡也故徙汝以治之而稽汝歲功當得遷位承于光祿共往勉哉可

何郊知永興軍制卷二十六

勅朕初卽位慎考俊乂之材付之方鎮具官某廉清質直敦大詳敏藝文之學政事之材左右具宜以有聲績作國西屏雍維大都鎮撫一方老成是賴序遷

厥位往牧其人其勩猷為以膺任屬可

潘夙轉官知桂州制卷二十六

勅某桂於西南為一都會蠻夷荒忽鎮撫有宜故於用人常慎其選爾清明敏達寬博惠和更事有功簡在朝論遷序即位往其勉哉可

尚書左丞余靖制卷十九

勅朕有大賚雖疏逖微細必加焉況於位序高任屬重寵章徽數其可略乎具官某政事之材藝文之學踐更中外光顯有聲濟登大官鎮撫荒服能率厥職相時休成衍食序勲往其祗服可

天章閣待制司馬光制卷十六

勅陟降左右司朕躬之闕者至親篤信之臣也邦有大賚其可以後而忘乎具官某政事藝文操行之美有聞於世簡在朕心相時明禋祀事惟謹進階序爵其往懋哉可

尚書戶部郎中知制誥張壞制卷十七

勅朕宗祀先帝以配昊天而均福釐於在位疏遠微賤無遺者矣又况於侍從之臣乎具官某德厚資深志方行潔安於義命為世寶臣考慎樂禮相時大事進階序爵其往懋哉可

翰林學士知制誥賈黯轉官加勳邑制

勅朕初卽位奉行先帝故事不敢有廢也具官某剛毅篤實閎深博敏先帝所遺以論思左右者也其遷厥位加賜恩典其往欽哉可

翰林學士知制誥權三司使蔡襄轉官加食邑

制

勅朕祇若先帝之初大賚以勞天下職親地禁之臣皆先帝所遺以助朕者也其可以後而忘哉具官某率德秉義以綏寵祿主國大計功昭于時班命有章往欽無斁可

翰林學士兼侍讀學士知制誥充史館修撰王

珪轉官加食邑制卷十三

先帝投天下之艱以屬朕身永惟所與濟此者豈非左右之良哉具官某秉哲迪義士民所望論思潤色有補於時大賚之恩外通四海況於親近豈可以忘往服寵章愈其慎哉可

翰林學士知制誥充史館修撰范鎮轉官加勳

邑制卷十六

勅朕雖哀恫永惟付託之重不敢忘先帝寵綏海內褒厚羣臣之意具官某敦大閎博清明敏達職親

地密為國信臣遷序位等申之恩典惟慎厥服往膺

顯榮可

待讀 右正言

翰林學士知制誥權知開封府馮京轉官加勳

上騎都尉食邑五百戶餘如故 卷十一 二十

先帝以盛德成功克終天祿眇然在茲永念嗣訓非

左右之良孰與濟此哉具官某秉哲蹈義士民所望

尹正京邑善聲流聞邦有大賚當由貴始往膺榮祿

無替厥修可

尚書左丞充

集賢院學士余靖轉官加勳邑制卷十一

先帝君臨天下餘四十年功德之所及博矣非文武

之士協力中外何以致此哉在後之侗纂修成法敢

忘大賚以勞衆士具官某敦大閔深清明敏達蕃屏

帝室厥功茂焉恩典寵章往其欽服可

集賢院學士李柬之轉官加勳邑制卷十一

先帝棄天下不及班命以勞羣臣朕繼大統其承厥

志具官某廉靜忠恕濟以詳敏能紹世美為時名臣

膺服寵章往其思勵可

龍圖閣直學士給事中呂公弼改工部侍郎制

勅褒德序功制為祿位先帝所以熙庶政也朕雖

在政所不敢忘具官某保身慎行舊有榮聞陟降所

右是為世臣惠綏西南風績尤顯冬官之貳其往欽哉可

待制司馬光禮部郎中制卷十七

勅左右侍從之臣皆先帝所遺以助興政理者也勞可錄朕敢忘哉具官某行義信於朝廷文學稱於天下比更任使會課當遷進位二等以嘉爾績爾方以經術入侍而又兼諫爭之官往其思致厥身使朕之聰明無所不通爾亦維有無窮之聞可

周沆右諫議大夫制卷十一

勅堯舜黜陟幽明之法其詳不見於經蓋其考績之次序必始於朝廷之貴者朕率是道進退百官故於邇臣無有私德以爾具官某忠厚謹潔惠和寬博嘗被方維之重任久參侍從之要官內外之勞皆官有賞而以稱士失實控于吏議為即武部七歲于茲著論積功進位西省夫職在盡規之地官又以諫為稱維是將明往其思勉可

右正言知制誥知越州沈溝起居舍人制

勅列名侍從分職方維厥有庸勲朕其甄序具官某端良足以有守精敏足以有謀為時寶臣典掌明命出撫州部治聲流聞內外之勞進遷惟允序官二等

王師人文集卷四十九  
以懋厥勤是謂寵榮往其祗服可

常掌禹錫趙良規並祕書監制 卷十一十一

勅祕書圖籍藝文之府而置監在光祿衛尉諸卿之  
右其材實德望當有以稱之以爾具官某等歷官茲  
多服采惟謹序于卿位簡在朝廷宣布詔條討論典  
故久於任使亦各有勞宜推增秩之恩以信懋功之  
法往從官次無或不祗可

龍圖可  
主綽祕書少監制 卷十一十二

勅朕初嗣位大賜天下文武在位各以序遷具官某  
出入踐更名聞休顯奉常之副用勞厥勤乃辭官榮  
以避親諱綏予孝子改貳祕書往服寵章靖共無斁  
可

光祿少卿李丕緒少府監制

勅少府古官於朝廷之位尊顯矣具官某行義祗飭  
材能敏達外更器使績用每成有司以聞又當增位  
往膺秩物無怠厥修可

司封郎中宋任太常少卿制 卷十二二

勅士以序遷至於卿位亦榮矣非才智有以任事行  
義有以保身豈能致此具官某中外踐更久於郎選  
明習衆事見稱於時往卽厥官勉之無斁可

江南西路轉運使呂公孺太常少卿制

勅某太常兼夔與伯夷之事非夫執實德望有以過人孰宜為之貳也爾名相之子以才見稱出入踐更休有風績序遷厥位其往欽承可

職方郎中通判太原府馬從先太常少卿制

勅某太常禮秩異於諸卿非文學入官則不得為其貳也以爾行治之美才能之敏踐更多矣皆有可稱會課于朝躋登此位上承自稱惟既厥心可

○○○解賓王太常少卿卿卷十二一

勅某今之太常兼夔與伯夷之官非夫寅恭清明博

習於禮樂則孰能為之貳也今朕考行序勞而以爾為貳於太常維爾嘗以材稱而屢更任使雖身在外而名位亦云顯矣所以稱此者可無勉哉可

顯者乎且官其以才自奮能世其家出入踐更休有風績則卿之貳其往也哉可

郭永可光祿少卿制

勅某外廷之位能正於此則者少矣其官其職更衆職功善自昭乎余或選以改卿位進寵一等往承惟





林億司封郎中制

卷十一六

勅某朕有官祿慶賞以序功而其施始於朝廷之近爾以藝文被選而多所踐更通籍禁中庄官闕下序遷郎位既極左曹往即寵榮愈其勵勉可

薛求司勳郎中制

勅某朕布大號在廷文武之士皆得進官一等而伐閱當遷者又各得以序遷爾中外踐更以才自顯膺此恩典往其勵哉可

權提點成都府路刑獄齊恢度支郎中制

勅某朝廷選真才臣以使諸路而察庶獄之不辜朕有庸勳朕當甄序爾才能行義士論所稱會課有司實應遷法往膺休顯其愈懋哉可

○淮南轉運副使張景憲金部郎中制

卷十一七

勅某入佐三司出使諸路皆朝士大夫之高選有勞當錄其可忘哉爾行義之修才能之邵見稱當世簡在朝廷會課進官往其欽服可

三司鹽鐵副使陳述古朝奉大夫司封郎中三

司度支副使趙抃戶部員外郎加上輕車都尉

權三司戶部副使張燾朝散大夫刑部郎中制

勅某人等朕初嗣位奉行先帝故事不敢有廢也

具官某等行義稱於世才能見於朝佐國大計爲功多矣序遷位等其往欽哉可

朱處約祠部郎中制

勅某爾嘗爲御史特論不阿出守方州稍遷使任序功增秩邦法有常往懋厥修以須進選可

孫抗孫琳祠部郎中制

勅某人等都水之官廢久矣朕修之而用爾爲丞爾維才能懋建厥事有司論課當以時遷進序名曹往祇無斃可

提點福建路諸州刑獄公事王陶祠部郎中制

勅某朕選置使者清明于諸路所以待之非輕也爾踐更衆矣才美有稱備在遠方能修其職進遷位等往愈懋哉可

權提點廣南西路刑獄杜于能祠部郎中制

勅某朕初卽位羣臣朝者皆增位一等有功當遷又皆得以序進爾材諳行治見稱於衆奉使于外治聲流聞會課進官往其祇服可

三司戶部副使張燾兵部郎中制

勅某考績三歲進官一等先帝所以勵羣臣也具官某秉哲迪義有聲于時能勵厥修以宜官政序功

增位其往欽承可

苗振職方郎中制

勅某尚書郎中序列五品其於朝廷之位亦已顯矣爾用選擢嘗更任使積功久次得在此位所居三歲宜進一官至今而後得遷乃以爾嘗有謫朕於黜陟豈苟然哉自爾取之而已往思自勉以稱褒升可

王舉元刑部郎中制

勅某薦非其人而與其罰古之道也爾久以才實外更任使風績之邵靡人不稱而任舉有失法當坐免雖更教令猶褫一官以懲上報之稽而塞人言之衆膺踐厥服往其勉哉可

侍御史知雜事判都水監王綽刑部郎中制

勅某御史皆吾耳目之官而折百工以法刑之中者也考其功狀在法當遷則吾豈可以忘哉以爾具官某忠厚諒直有稱於世踐更衆職皆以能聞故寘之臺中位次執法名實之善允于人言姑疇積功序進一等位亦顯矣往其勉哉可

胡況都官郎中制

勅某爾以才行自昭于時外分將符內序郎位致勅厥職三歲于茲稽狀有司法當增位進遷一等其往

懋哉可

周燮都官郎中制

勅某褒善錄勤邦有常法爾以才能行義登顯朝廷序正郎位三年於此矣進遷一等以懋厥勤勵治我民乃其能稱可

宋孝孫比部郎中制

勅某褒功錄善邦法有常爾共厥官服采惟謹久於郎選會課當遷愈其勉哉以稱新命可

監在京都鹽院錢暄比部郎中制

勅某古者官有職而命有數非有職不足以序羣才非有數不足以差衆功今官有品猶古之命數也命之數自一推而上之至于九官之品自九推而上之至于一大略蓋無以異而其詳如此不同唯其欲得賢者之在位則古今一也爾以才能行治進序於朝年除歲授既得列於五品久於職事法又當遷其亦可謂寵榮光顯矣其思自勉以稱吾欲得賢者在位之意哉可

三司戶部判官充祕閣校理王繹工部郎中制

勅某三司理財之吏與館閣校文之官皆朝廷儒文之選也其於進秩有異數焉爾以藝文世家而祗慎

謹飭久在此位有勞當遷序于名曹其往思稱可

李章屯田郎中制

勅某褒善錄勤朝廷之政爾才能行治此見推稱會考績之法當增位序進遷一等其往懋哉可

周延雋屯田郎中制

勅某郎中五品而司田以待藝文之士爾大臣之子強學瞻辭出典一州序功當進往祗厥位其克懋哉可

職方員外郎竇綱可屯田郎中制

勅某漢朝不以郎官假貴咸以出宰百里爲不可以非其人今之郎選其重非漢比也而郎中序于五品其授豈可以輕哉爾以文藝起家以吏能從政序遷此位嘉寵爾勞往服訓辭勉求報稱可

職方員外郎卜紳可屯田郎中制

勅某郎中序列三等其品皆爲第五非積功久次則不得至焉爾以文藝入官而濟之謹潔久於任使當得進遷茲惟爾階其往祗服可

職方員外郎朱從道可屯田郎中制

勅某尚書郎選於今爲重而郎中列于五品爾精敏強果號爲才臣積功累勤以致此位往其厥服其愈

懋哉可

晁仲綽鄭隨可屯田郎中制

勅某郎中序列五品非久於任使有勞而無罰則罕得至焉爾以文藝起家以才能為吏稱功累善當得進遷往其懋哉思稱新命可

太常博士權御史臺推官杜訢可屯田員外郎

制

勅某尚書郎位吾所量也爾名臣之子行義修飭才能有譽而職事無過審官稽狀當以時遷新命維休往其祗服可

駕部員外郎薛仲孺可虞部郎中制

勅某郎中五品於朝廷為顯位爾悉心為吏才敏見稱算所踐更咸有功最進一遷惟允其往懋哉可

○○○提刑楚建中可司封員外郎制 卷二十八

勅某朕置使者以察天下之獄其選擇甚難而視遇之甚厚序功錄善其可忘乎爾行治才能有聲於世服官惟稱會課當遷以懋爾勞往其祗訓可

侍御史邢夢臣可司封員外郎制

勅某侍御史於御史之選為高而尚書郎以司封為前列爾才能行義嘗見推稱於有言職為一臺高選

任責未久序勞當遷往副司封愈其自勉可

都官員外郎充祕閣校理王昇可司封員外郎

制

勅某爾以藝文高第進仕朝廷廉靖謹良有稱於世  
校文祕閣典事方州甄序歲勞進遷惟允往共厥服  
其愈懋哉

權梓州路提刑都官員外郎張師顏可司封員

外郎制

勅某爾修潔精敏達於從政堂更任使皆以才稱故  
以一路之庶獄寄之督察方行就事會課當遷往  
厥修以求稱職可

度支員外郎充崇文院檢討晏成裕可司封員

外郎制

勅某爾以藝之學在討論之官丞于太常典掌禮  
樂有勞可錄其以序遷於世大家爾為能保往思淑  
慎無廢厥勤可

祠部員外郎充祕閣校理蔡抗可度支員外郎

制

勅某序功錄最邦法有常惟厥修乃能自稱爾以  
校讎之選受吾蕃屏之寄材能行治見譽於時而會

三陽川文集 卷五十一  
課有司番遷厥位官無虛授在位可勉哉可

權利州路轉運使度支員外郎蘇案可兵部員

外郎制

勅某朕欲明清于吏民而擇使以涖之非特使之轉  
貨財以贍有司而已也爾彊敏謹潔達於從政往充  
其選克有成勞序進一官愈祗乃服可

三司鹽鐵判官度支員外郎集賢校理王益柔  
可兵部員外郎制

勅某任賢使能而繼之以黜陟先王之所以治未有  
改此者也爾惟賢故序于校讎之職爾惟能故列于

可  
計之官稽狀有司法當增位其遷一等以懋爾勞

太常博充集賢校理同修起居注判三司度支

句院錢公輔可祠部員外郎制

勅某序功黜陟邦法有常爾文章博美行義純潔施  
於政事又以材稱會課進遷蓋維常法往祗厥位其  
亦懋哉可

國子博士朱延世可虞部員外郎制

勅某尚書虞部掌天下之山澤而修其時禁郎官職  
事雖廢而官名猶貴於時非歷試而有勞卽不得以



王臨川文集卷五十一  
九  
在此位若爾之潔廉畏慎蓋知所以自保矣其愈懋哉可

比部員外郎鄭伸可駕部員外郎制

勅某爾勤敏謹潔以修厥官會課有司當得遷位司與之副其往懋哉可

都官員外郎許遵可職方員外郎制

勅某爾進以藝文而兼通律令之學故於爲吏當以才稱第課有司當得進位祇予新命厥往懋哉可

都官員外郎陳汝羲可職方員外郎制

勅某審官之法吏有勞而無罪至於三歲則遷位二等亦所以勸也爾文學政率有稱于世久更任使會課當遷往服寵章愈其思勵可

都官員外郎章俞可職方員外郎制

勅某爾以藝文之學政事之材所更滋多皆有善最三載考績法當進遷往踐厥官愈其思勉可

○○○韓繹可職方員外郎制

卷二十九

勅某三歲一遷審官馭吏之常法也然非智謀忠力能舉其職事者亦何以稱此哉爾纘德善之慶而以藝文自奮施於吏政強敏有聲膺此寵榮其知勉矣可

都官員外郎劉牧可職方員外郎制

勅某朕置使者以察諸路而選才士以佐之爾行義智能比見稱述往其職事會課當遷懋勉厥勤以稱官使可

都官員外郎王易知可職方員外郎制

勅某爾久於試用常以才稱出守一州可有爲矣而有司會錄當得進官往旣厥心以祗予訓可

屯田員外郎謝景初可都官員外郎制

勅某周官司士三歲則稽士任進其爵祿而方今審言之法用焉爾名臣之子操行修潔文學政事有稱

於時審官序勞當以時進往踐兩位厥維懋哉可

屯田員外郎何世昌可都官員外郎制

勅某尚書之實多廢矣而郎位尚爲朝廷所重爾藝文操行政事之材推舉進遷以至於此出佐州治論功應條改序中行往其祗服可

屯田員外郎陳安道可都官員外郎制

勅某士夫奉法循理以共厥服至於三歲而無咎罰其可無進遷之法以慰勉之哉爾藝文起家而行義修飭比更噐使實以才稱往服寵章愈其思勉可

屯田員外郎晁仲約可都官員外郎制

勅某褒善錄勤朝廷之政爾清明敏達士類所稱典治一州風政彌劭有司序績當得進遷往服寵章愈其思勉可

屯田員外郎唐謹可都官員外郎制

勅某爾藝文行治進有可稱為郎尚書三年於此矣職事之最法當進遷愈其懋功以對新命可

屯田員外郎林大年可都官員外郎制

勅某士之有為者豈必慶賞而後勸哉然黜陟者勵世之通法而為天下者所不能廢也爾被文蓄德從政有聲會課當遷序官一列往其勵勉膺此寵榮可

太常博士胥元衡可屯田員外郎制

勅某仕於朝廷者有勞而無罪至於三歲則遷位一等所以明有勸也爾名臣之世行義修飾以才自奉從政有稱往服寵章愈其思勉可

太常博士李處厚可屯田員外郎制

勅某爾政事之材藝文之學潔身慎行皆以有稱試請利權是亦煩使序功錄最當得進遷列職南宮往其祗服可

比部員外郎呂元規可駕部員外郎制

勅某褒善錄勤邦有常法爾護軍糴將邊漕悉心營

職才諳見稱會課序遷往其祗服可

○○○吳充學士轉官制 卷十三 五

勅某士之好德樂善而無求則爵賞有不足以勸焉  
而爵賞固不廢乎無求之士爾文章行義政事之實  
士友之所服朝廷之所稱然方試爾于外以觀爾為  
而審官上爾歲月之勞法當遷位一等此雖不足  
為爾勸而天下至公之法不可以廢者也往其懋承  
之哉可

○○○劉敞轉官制 卷十三 九

勅某褒善錄最朝廷至公况吾邇臣在法當陟具官  
某文章博美政事詳敏心通道德之意躬率仁義之  
行久於侍從實允詢謀付以方維又能鎮撫甄序以  
績進遷厥官朕命惟休往其祗服可

○○○劉覺等轉官員外郎制 卷十三 十

勅某官所以制祿位之等職所以叙才分之宜視職  
之廢舉與行之失得而下上其官此吾為天下立法  
以廢置賞誅之大體也爾持其行而無失修其職而  
無廢三年於此矣不可以徒置也宜有賞焉序進一  
官往欽乃服可

○○○王伯恭轉官制 卷十三 十一

勅某方今仕於朝廷者率三歲而一遷論者患其不足  
足以勸功然日月久矣能祇慎不怠免於罪悔則亦  
宜有以褒嘉此朕所以使爾得遷之意也士之爲義  
蓋有常心何必利焉然後知勸可

○○王允轉官制

卷三十三

勅某爾能誦先王之言以得祿位施於有政又以才  
稱丞于殿中歲月久矣博士之選儒者所宜以爲爾  
官其往祇載可

○○李正臣轉官制

卷三十三

勅某書曰欽哉欽哉惟刑之恤哉此吾所以建審刑  
之職而擇取智能之士以爲詳議之官爾以藝文起  
家又能明習法令靖其厥位有伐當遷姑使序于太  
常而仍其覆讞之事往爲審克以稱欽恤之意可

○○劉叔寶轉官制

卷三十三

勅某士之修身慎行宣力四方豈皆以取爵祿之報  
哉蓋其志有以謂義當如此然而爵祿必稽行治勞  
烈而加焉今吾序進爾官以有積功之實義不可以  
無報也在爾自爲則欲知夫義當如此而無志乎寵  
利然後可以事君往其勉哉尚有終譽可

王介甫先生文集卷五十一

則然矣何以事君其於其德尚自於身而後則亦  
 無辨也至爾自為則殆矣夫美當收其而無志乎霸  
 然而收其今吾京越爾官以百餘人之實美不可以  
 請蓋其志有以請美當收其然而爾必欲其收  
 德其士之少良其言宣以四六言皆以頌爾之辨  
 ○○德亦實轉官制  
 常而外其美端之事其於為審其以蘇越此之意何  
 家又強則皆悉令散其刃其官外當悉故其京于太  
 之無而數如皆領之士以為其精其之官爾以蘇文以

新刻臨川王介甫先生文集卷五十一

外制

樞密院編修周革轉官制

卷十三八

勅其語曰前事不忘後事之師也今吾樞密之府自  
 祖宗以至於今不啻百年捍患持危應變之大計與  
 夫將相論議之臣密謀要策有補於世者皆具在此  
 而文書質亂淆雜而無紀亦何以待後事乎故擇能  
 臣使序次焉而爾以才稱實當其任今遷爾位唯是  
 勉哉可

屯田員外郎任迥等加勳制

勅某等朕獲休享于神而嘉與在位同其福祿爾等  
並由材選列在郎位相時釐事能勵厥勤甄序有差  
往其祗服可

○○○張慎修等改官制 卷三十一

勅某等士之選於吏部者多矣以貌以言而取吾皆  
不足以得之此吾所以推耳目之任而付之刺舉之  
臣使各察其所部而以賢才告上今爾等從政于外  
而為刺舉者所稱故吾召見于庭而秩以省寺之官  
往其勉思所以事君無使稱爾者受不任之咎可

○○○徐師回等改官制 卷三十一

勅某等詩曰不解于位民之攸暨蓋吏能夙夜不懈  
於其職事以無過失然後民得以服勤而有勸功舉  
業之意吾所以制為祿位以待天下之吏以時論其  
功狀而進退之凡以為民也爾等並列於朝而久於  
其職序遷爾位惟是勉哉可

○○○磨勘轉官制 二道 卷三十一

勅某等有司考爾等之周官三歲則大計羣吏之治而誅賞之故朕時憲以為考績之法吏者三歲能率職屬行  
閱而揚爾等於朝廷朕親無罪悔是亦宜於有官者一等以提爾等能宜加報稱  
覽焉皆應遷法夫命官賦祿之事朕非輕之也維以

章有德序有功名在審官則三歲而一遷亦維以閔  
夫職事之勞而勉之盡力爾等勿謂名器之可計日

補六十字似  
是第一道

以自取也而無報上之意焉可

勅其虞以九載黜陟庶官周以三歲誅賞群吏其爲法異而勸沮之意同爾之積功實應遷法序進厥位維以勸能書不云乎德懋懋官功懋懋賞爾則善也朕何愛焉可

○○○明堂宗室加恩制

卷十三 二 宗本題同前二字即皇親叔敖轉官加勳之次篇

勅其朕既肆祀於明堂而大賚以布神之福爾列名屬籍序位內朝肅雖在庭克加釐事以差受寵其往懋哉可

皇姪孫左屯衛大將軍登州防禦使世永改隴州防禦使制 卷十三

勅朕永惟 太祖皇帝德加於後世博矣而諸孫爵位莫有顯者甚非所以博叙九族承宗廟之意也具官某躬率德義克承厥休方將營衛之屯而領兵防之任其正使號稱朕志焉可

皇姪右衛大將軍蘄州防禦使從古登州防禦使制

勅朕選於近屬以治親親唯賢與能宜在此位具官某躬率德善自昭于時以選攝事久勤不懈其遷使



號而正其職服之名焉往踐寵榮愈思慎愆可

皇姪曾孫太子右內率府率令礎右千牛衛將

### 軍制

勅某治天下自人道始而以治親爲先務爾序于屬籍率履不違遷率東宮十年於此矣進踐祿次往其欽承可

### 鄭穆太常博士制

卷十二四

勅某士之著籍審官者雖在疏逖猶三歲而一遷又況以才被選有職事於禁門之內者哉嘉爾言行發聞于世膺此恩典往其欽承可

### 錢衮太常博士制

卷十二五

勅某太常古宗伯之官而博士掌其掾法增損因循皆合於事久而不失先王之禮意然後可以爲能其任固已重矣今雖職廢而非文學出仕則不得以名官爾以叙進而膺此選其尚能勉以求稱哉可

### 集賢校理周豫太常博士餘如故制

勅某籍於審官之士雖身在外有司會其伐閱歲滿輒遷况於以才進選而列職祕近者哉爾維峻良膺此恩典往其祇勵以服寵榮可

### 楊南仲太常博士制

王臨川文集卷五十一  
勅某爾文學藝能見稱於世服官惟謹克以有勞丞  
于太常是謂華選遷秩博士往其欽哉可

姚原道太常博士制

勅某爾以藝文出仕而才諳見稱備任遠方有勞當  
錄博士之選往其欽哉可

晏崇讓太常博士制

勅某爾名臣之子行義修飭能以藝文自奮而於職  
事有勞序遷厥官其往祗服可

劉溫太常博士制

勅某爾丞祕書二年矣故稽爾功狀秩于太常爾行  
義才能有稱於世無曰官小往欽哉可

柴餘慶國子博士制

勅某爾於爲吏才敏見稱會課有司當得遷位博士  
之選往其勉哉可

○ ○ 省判可 邵亢太常丞制 卷十三 三

勅某古者尚賢而輕爵好藝而賤祿所以士樂羞其  
行而爲時用也爾列于東宮之職事三年於此矣羣  
牧之任開封之選皆能稱職遂佐三司其序爾功進  
官一等若爾之藝文政事吾豈有愛於爵祿乎哉往  
懋厥修以需其後可

蔡說殿中丞制

勅某宗祀之成慶覃䟽迓爾久於常選丁此殊恩甄序有榮往其祗服可

晁仲熙殿中丞制

勅某爾以謹潔能不失其世守故積功久次致位於朝往往一州又應遷法愈其懋勉以稱褒嘉可

王元甫殿中丞制

勅某吏之有籍於審官者三歲一遷所以勸勞也爾以才備任積課應條往服命書愈其思勉可

高應之國子博士張侏太常丞范褒殿中丞制

勅某等爾等親吾民于外而吾使有司會課于中皆能有勞以應遷法夫上之爵賞無私德惟以治人臣能率職以治人則可謂能報上矣各踐爾位惟時勉哉可

胡掖殿中丞制

勅某汝官在東宮而得列於朝廷之位有司奏課當以時遷夫祿所以等功位所以序德朕所以命汝者每加厚矣汝所以報稱者亦可以勉哉可

王介祕書丞制

勅某朕設科以來異能之士而親發策問之爾言不

阿而學問多中乎義理其遷厥位以嘉爾之能言夫士無不能有不為爾若爾之修潔有志而濟之以明敏之才惟所施焉將無不至況於一官之小豈以不稱為患也哉可

○○毛箎秘書丞制 卷十一 十三

勅某古人有言曰無常產而有常心者唯士為能夫所謂士者不以無常產而變易其心又奚俟於爵賞而後勸哉然士之有功則爵賞加焉天下大公之法也爾以進士起而序於王官之列出長一邑之民有勞而無罪二年於此矣其使遷秩以信大公之法朝廷之位亦加顯矣所以為士者可不勉哉可

許懋傳顏並秘書丞制

勅某爾雖任職于外而功罪之籍實在審官之府以時會課於法當遷夫三歲而序一官在會之所同然材實行治不有以稱其位則孰以為非苟得也爾以藝文自奮而由稱舉以至於此其知之矣可不勉哉可

陳舜俞秘書丞制

勅某爾以賢良應詔朕嘗親冊而秩以京官幕府三年序遷一等此特有司之葺法爾豈所以待異能之

士哉往其勉之以俟時用可

句士良秘書丞制

勅某爾佐著作于秘書三年矣審官稽狀當進一官惟爾以文藝起家而以吏能爲邑往欽新命其克勉哉可

○○○國子監直講商傳光祿寺丞制

卷十二 六

勅某爾讀群經而能通知其義故選於衆以教國子有司稽任當以勞遷往服爾官愈其思懋可

張璘光祿寺丞制

勅某爾父爲吾執政之官而爾能夙夜祗飭以修

職事可謂能世其家矣今有司會課而吾以爾丞于

光祿往思勵勉以永燕譽之終哉可

王岫光祿寺丞制

勅某詩曰維其有之是以似之以爲賢者之後功臣之世非有以存之則無以似續其前人也爾以蔭籍入官而能舉其職以應有司之遷法可謂知似續其前人矣丞于光祿其往勉哉可

王佺光祿寺丞制

勅某爾大臣之家賢者之後能自策勵不隳其官序勞當遷往踐厥位無忝爾祖乃惟顯哉可

奏舉人前陝州節推郎凡衛尉寺丞制

勅某選於吏部者多矣非使在位者舉其類則善人豈能自進乎爾能勵厥官以多薦者丞于衛尉其愈祇修可

孫琪衛尉寺丞張次元大理評事制

勅某等材施於一邑知效於一官至于三年而無職事之負焉不可以無報也序進一等往其懋哉可

柴元謹衛尉寺丞制

勅某商之有征久矣所以銷沮游末而勸之力本非特收其贏財佐公上之急而已也爾勤其事以有累日之功序進一官以從大雅無德不報之義爾維世族尚克勉哉可

奏舉人前梓州郫縣主簿陳巨卿衛尉寺丞奏

舉人前權復州軍事推官孫琬大理寺丞制

勅某選於吏部者多矣非使在位者舉其類則善人豈能自進乎爾能勵厥官以多薦者丞于卿寺其愈祇修可

大理寺丞張服尹忠恕張慎言孫昱太子中舍制

勅某周官三歲則大計羣吏之治而誅賞之故朕時憲以爲考績之法夫吏者三歲能率職禡行而無罪

悔是宜有賞序官一等以慰爾勞續維爾良能宜加報稱可

薛昌弼雷宋臣太子中舍劉師旦殿中丞制

勅某審官考課之法成於先帝之時朕維奉循以職名器無有親疎遠近使有司一是以待之嘉爾有勞序遷一等勉共爾位率志忘私庶乎能稱爵賞之公而終無尤於職事可

方夔高安世張湜傳充並太子中舍制

勅某等吾於爵祿甚慎閔仁百姓甚篤爾等或專一縣或佐一軍而皆列於卿丞之籍蓋嘗有所試矣今有司序功當得遷位吾雖甚慎爵祿而於爾等無所愛焉其勉思拊循百姓以稱吾閔仁甚篤之意可

黃汾太子中舍制

勅某吾擢天下之才而立民長伯萬家之縣又有戎馬之任焉其稱甚難而爾能其事有勞遷秩母廢爾成可

王塾太子中舍制

勅某爾承于理亦既三年有職事之勞無行義之過使遷厥位著籍外廷夫與於燕而坐於朝報禮亦云異矣祇乃服其可不思可

奏舉人前永興軍節度掌書記王申等太子中  
允制

勅某等皆以藝文起家而久於常選才能行義數見  
推稱楊于朝廷各命以位往共厥服可不勉哉可

雷宋臣太子洗馬制

勅某周人事神以諱而不諱嫌名持循至今遂著爲  
律爾以難避之諱而辭當拜之官自言冒榮有所不  
忍其更位號以慰孝思慎爾自爲勉求稱此可

熊本著作佐郎制

卷十一十五

勅某吾歲取吏部之選者以爲官監省寺之官常不

以寧有天下者豈以士多爲患哉顧其所取何如爾  
汝藝文政事皆見稱述往蹟次蓋將有補於時使  
人視吾所取而不以爲多在汝勉之而已可

高旦著作佐郎制

卷十一十六

勅某唐虞以三考黜陟幽明而其所命或終身於一  
職然則其所謂陟者蓋爵服之加而已今之增位猶  
古之加爵服也以爾久於職事而功用應於有司之  
法故使增位以報焉雖考績之歲月與黜陟之方古  
今不同而吾所以褒勵庶工非與唐虞異意爾其毋



怠思稱厥官可

○○○國子監直講孫思恭著作佐郎制

卷十一十四

勅某爾才能行義有超卓之譽於時故遷於衆以教國子而又寵以校讎之官有司稽勞當得遷位列職東觀往其懋哉可

奏舉人前祁州深澤縣令王廣廉著作佐郎制

勅某爾用舉者為縣又能修其職事而舉者衆多升序厥官屬之東觀夫士之有能有為也豈必戒教而後勉哉爾以才稱其知自勸矣可

奏舉人編校昭文館書籍孫覺著作佐郎制

先帝置校讎之官所取皆天下望士爾惇行力學為時俊傑治民有紀稱者衆多會課進遷往共厥服可

奏舉人姚闢著作佐郎制

勅某秘書省有著作之官所以待藝文之士爾瞻辭博學而為吏有聲甄績序材以登茲選往共職服其亦勉哉可

奏舉人游烈等著作佐郎制

勅某等皆以藝文起家而久於常選才能行義數見推稱揚于朝廷各命以位往共厥服可不勉哉可

奏舉人張公庠著作佐郎制

勅某爾嘗爲令而能以材諳爲在勢所稱寘諸京官以懋乃績往踐祿次愈其勉哉可

高膚敏崇大年並著作佐郎制

勅某爾等皆以才能序于莫府舉其職事稱者衆多

遷往其祗服可

潘及甫著作佐郎制

勅某等選於吏部久矣皆能以才自奮息而在位者所稱稽狀有司列官省寺往須器使無替厥修可

奏舉人阮邈著作佐郎馬好賢大理寺丞制

勅某等省寺之有丞郎其名位高下不同而於今皆

爲遴選爾等從事于外以能見稱有司書勞朕所親覽各踐厥位往惟慎哉可

直講劉仲章大理寺丞制 卷二十七

勅某爾方以經術教國子而有司會課當得進遷爾

以通經發聞于世允蹈所學尚何訓哉可

施遜大理寺丞制 卷二十八

勅某三歲一遷朝廷之法爾共其職事在法當遷往

懋厥修以祗朕訓可

奏舉人周同大理寺丞制 卷二十九

勅某爾能勤厥官以有舉者有司條奏在法宜遷使

得傳籍於審官以爲大理之屬當知夫名器之不可  
以徒得也往思懋勉以稱之可

吳安操大理寺丞制

勅某爾各臣之家能自修飭考論功最當得進遷往  
服官成勿墮所守可

高定大理寺丞制

勅某朕布功賞之信苟有功可以中率則無擇小大  
遠邇而加焉今有司條奏爾勞在法當賞往丞于理  
其懋厥官可

林宗言大理寺丞制

勅某有司言爾當遷而朕視功狀如有司之言故使  
遷爾位一等吾嘗詔有司以時視士大夫功狀而叙  
進之母使自言欲夫在位知有禮讓而不以官爲利  
也爾知之矣可不勉哉可

徐績大理寺丞制

勅某爾出於世祿之家而服勤筦庫之事行不愆於  
法才不曠其官遷以報功往其思勗可

李文卿大理寺丞制

勅某吏之近民者莫如令故位非高也祿非多也而  
吾不輕以與人爾得爲之以有稱者往施於政又以

才稱實諸京官以待任使思永終譽厥惟勉哉可

奏舉人陳仲成大理寺丞制

勅某歛之爲州也窮於山谷之間吏常患乎州窮而刺舉者有所不知爾勤其官而稱者甚衆可謂能矣其進以爲京官往懋乃成以終有譽可

張諲大理寺丞制

勅某古之爵賞與士共之雖有衆譽而功實不副焉亦不可以幸而得也此吾所以闕稱舉之衆而又稽歷試之勞然後命爾以丞于大理也夫去吏部之選而有錄於審官能祇慎不懈以免於文吏之議則雖高位尚可以循而至可不勉哉可

鄭民表韓燁大理寺丞制

勅某爾服勞州縣才諳見稱甄序厥功使丞于理往抵休命惟旣爾心可

吳太元大理寺丞制

勅某審官之法三歲一遷爾嘗有罪故使序于大理四年而後遷以爲丞實誅黜陟吾無私焉皆爾自取也施於有政可不勉哉可

奏舉人劉公臣白贄並大理寺丞制

勅某等今吾大吏舉非其人有坐斥廢其於舉人豈

顧不慎哉然而坐斥廢者時時有之此殆求舉者不一其始終以負之爾今爾等皆以衆舉故吾命以京官勉思一其始終以無負於舉者可

國子監直講編校集賢院書籍錢藻大理寺丞制

勅某朕設科以招方正之士而爾應其求置局以儲雋乂之材而爾充其選有司會課當得進官若爾之諒直多聞方且善其行以爲時用往祗厥位可不勉哉可

段叔獻大理寺丞制

某以爾典京師之獄滿歲於此矣而未嘗有失丞于卿位以懋爾勞維朕哀矜庶獄之有不幸爾所知也守爾常操尚無誤哉可

奏舉人于觀大理寺丞制

勅某方今漕頻海之鹽以食東南而收其息以佐有司之急倉庾之官一失職而至於耗惡則足以匱國而傷民故稱舉能吏而待之厚賞所以勸也爾從其事能有成勞丞于理官往踐無懈可

馮翊辛景賢大理寺丞制

先帝使大吏推舉常選之士以補省寺之屬爾能修

其職事而舉者衆多率出舊章命爾以位往祗厥服以稱甄升可

試大理司直兼監察御史朱東之大理寺丞制  
勅某爾以幹謹潔能舉其職事而屢爲在位者所舉歲滿序功法宜有賞理官之屬其往懋哉可

○○○陳確大理寺檢法官制卷二十二

勅某朕制中典以刑四方非惟不失天下之姦唯以使人無犯有司而已今明試爾才之可使而後以爲屬於理官爾其知恤庶獄之不辜而求所以出之以稱朕哀矜元元之意可

### 魏綰大理評事制

勅某爾備屬奉常亦已久矣序進厥等以旌有勞矣三歲一遷雖厚祿可以馴而致欲爲善者亦如此矣能積智累勤而不已則亦何所不至乎在爾勉之以求爲可進也可

### 石祖良大理評事制

勅某士之有籍於審官者皆三歲而一遷今爾歲滿故吾進爾位加爾祿夫祿以等功而不以志位以序德而不以勞爾世厥家其知勉矣可

應才識兼茂明於體用科守河南府福昌縣主

簿蘇軾大理評事制

勅某爾方尚少已能博考羣書而深言當世之務才  
能之異志力之強亦足以觀矣其使序于大理吾將  
試爾從政之才夫士之強學瞻辭必知要然後不違  
於道擇爾所聞而守之以要則將無施而不稱矣可  
不勉哉可

何景先何景元並大理評事制

勅某春秋之義以貴治賤以賢治不肖今天下人民  
之衆賢者不爲不多爾得列于京官其賢於人宜如  
何也今爾累日之課又當遷序其位亦云下賤矣其  
爲賢也亦可以勉哉可

張增大理評事制

勅某吾推恩大臣之子爾得列於祠官能任事而有  
勞其以備士官之屬爾文起於閭巷以能大其家室  
者豈一日之力哉爾惟積勤累善法象而不違則豈  
特有慶于而宗又將有賞于而國可

○○前鄉貢進士許將大理評事簽書昭慶軍節度

勅將判官廳公事制 卷之二十一

先帝親第進士於廷而以爾爲第一爾於藝文可謂  
能矣所以施於政者朕將有所試而觀焉夫士之遇

時不患無位而也所以立往其勵勉以副東求。

長帝臨榮華士也所以也

伴官飄公事臨也親天其他序于大理吾將

西豫貢華士若辨大聖精事發書部變重也

於百變于而宗又辨百賞于而國百也而不稱失也

昔豈一日之也若爾節蘇燿果善去寒而不也豈

榮其以斯士官之也而文疏於間卷以謂大其家室

憐其君卦恩大且之也子爾辨既於師官指升事而育

聚會大聖精事臨也其賢於人宜如也

為贊也亦可以也煥若也亦云下殘矣其也